



# सानसेयारि बड'सा

सानसेयारि 'बड'सा' खरीरालाइयाव  
समान्यारि जिउजो लोब्या थानाय रायथाय, ब्रन्थाय,  
सल', सल'बाथा आरो हवबायारि थाचनि, पार्क  
बाइदिनि सायाव लिउनाय लिउबिदो दैथाय डर/  
सानसेयारि 'बड'सा' खरीरालाइया सेबखानाले  
फोखावगोन।

बड'सायाव लिउठरनायनि डुबा खालाम,  
'बड'सा' खरी नोथा, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव देमालु लामा

कक्राइर, बिटिसि-783370

Website: www.bodosanewspaper.com

BODOSA ★ A Bodo News Daily ★ Sunday ★ 15 December, 2024 Kokrajhar, BTC, Assam ★ Vol.-33, Issue No. 258 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



आसाम सरकार  
रांखान्थि बिफान

## अरुनदय पषेक

15-28 डिसेम्बर 2024

बासियालासे आरो गेबें हाबाफारिजों हारोंथाय गोनां  
नख 'रफोरनो रांखान्थियारि अन्सुंथाइ होनाय।



ड॰ हिमन्त बिश्व शर्मा  
गिबि मन्थि, आसाम

### गोहो होनायनि गेजेरजों जिउखौ सोलायनाय

अरुनदय बिथांखिनि थाखाय मुलाम्फायारि सायख 'नायनि थांखिजों  
खुंनाय नै सप्ताहनि हाबाफारि 'अरुनदय पषेक'



गावसभा: हारोंथाय गोनां मुलाम्फायारि सायख 'नाय  
आरो फोरमानथिनि थाखाय ओन्सोलारि मेल खुंनाय



मुलाम्फायारि फारिलाइनि ड्राफ्ट दिहुन्नाय: अरुनदय 3.0  
नि बिथोनमानि बायदियै मुलाम्फायारिफोरखौ सोसन्नाय जागोन।



### हारोंथायनि सर्तफोर

- ▶ आर'ज खालामगिरिया आसामनि अरायथा नोगोरारि  
जानायजों लोगोसे आथिखालाव आसामाव जिउ  
खुंनाय गोनांथार
- ▶ आर'ज खालामगिरिनि आधार-सोदांनाय गुबै रेसन  
कार्ड थानाय गोनांथार
- ▶ गांसे रेसन कार्ड- सासे अरुनदयनि मुलाम्फायारि



### सोर आर'ज खालामनो हागोन?

- ▶ रान्दि, जुलि जायै (45 बोसोर बैसो गोजोनि),  
फाथैलाय बिसिनाय आरो हारसिं आइजो
- ▶ थामथि आथोन
- ▶ जायखि जायाआथोननि बेंगुरा सुबुं (बेंगुरा सुबुंनि  
मोन्थाइ आइन, 2016 बायदिये)
- ▶ सरकारि रेजिस्ट्रेशन गोनां अल्ट एज हमआव  
थानाय आइजो आरो बैसो गोरा/बेरामि आइजो
- ▶ नख 'रनि आर्जिग्राया बैसो गोरा (60 बोसोर बैसोनि  
गोजोसिन) एबा बेंगुरा जायोब्ला, बे बायदि  
नख 'रनि आइजो
- ▶ एड्सआइभि/थेलासेमिया/हिम 'फिलिया/सेरिब्रेल  
पालसि/लेप्रसि/ अटिजिम स्पेकटर्म डिअर्डरजों  
नाखेबजानाय बेरामि गोनां नख 'रनि आइजो
- ▶ न'-बां गैजायै नख 'रनि आइजो
- ▶ मागिनाने जिउ खुंन्या आइजो
- ▶ अन्तदया अन्न बिथांखिनि आइजो मुलाम्फायारि
- ▶ गासै बोसोरारि आर्जिथाया 2 लाख रानिबो  
बाडाइसिन जानाय नख 'रनि आइजो



### सोर आर'ज खालामनो हानाय नडा?

- ▶ एमपि, एमएलए, गाहाइ मावफुं सोदोमा, मावफुं सोदोमा, बारग'  
एमपि, बारग' एमएलए, बारग' गाहाइ मावफुं सोदोमा, बारग' मावफुं  
सोदोमानि नख 'र
- ▶ पन्चायतिराज फसंथान, नोगोरारि ओन्सोलनि फसंथान आरो  
गावखुंथाय गौथुम/6 थि फारिलाइनि सिडाव थानाय गामि गौथुम  
जौगाथाय आफाद (भिसिडिसि)नि आथिखालनि सोदोमानि नख 'र
- ▶ देहा फाहामगिरि, इन्जिनियार, अर्किटेक, चार्टर्ड एकाउन्टेन्ट, बैंक  
बिबानगिरि, उकिलनि नख 'र
- ▶ मुलुगसोलोंसालि, फरायसालिमा, गोजोसिन गेजेरारि फरायसालि,  
जुनियर फरायसालिमा, गोजो गेजेरारि फरायसालि, गोजो गुदि  
आरो गुदि फरायसालिनि फोरोंगिरि नख 'र (थिका बिथानि/अरायथा  
नडै फोरोंगिरिफोरखौ लाफानाने)
- ▶ अंगनबादि मावफारिया, सानसुनि आदार मावफारिया, आशा  
मावफारिया, आशा सुपारभाइजार आरो गामि गाहाइजों लोगोसे  
जायखि जाया सरकारि मावफारिया, पेन्वनार एबा थिका बिथानि  
मावफारियानि नख 'र
- ▶ इन्काम टेक्स होग्रा सरकारि थिकादार आरो साप्लायार, रियेल इस्टेट  
विल्डार, इन्डसट्रियेलिस्ट, फालांगि लाइसेन्स गोनां सुबुंनि नख 'र
- ▶ इन्काम टेक्स होग्रा फालांगि/उद्योग, गलादारनि नख 'र
- ▶ हानि बिगोमा (फिसा आरो मार्जिनेल थाखोनि अनगायै) नख 'र
- ▶ साखा खब्रै गारि गोनां नख 'र
- ▶ अरुनदय प्लास एबा बे बायदि रोखोमनि बिथांखिनि सिडाव राइज्यो  
सरकारनिफ्राय अरुनदय 3.0 नि समान रां एबा बेनिखुइ बांसिन  
रां मोन्नाय नख 'र
- ▶ माहारियारि आदार संरैखाथि आइन, 2013 नि सिडाव आसाम  
आदार रैखाथि खान्थिजों थिखानाय बयनिखुइ बांसिन आय  
थानाय नख 'र

1



गोखों बाहागो लानाय  
ओन्सोलनि  
गावसभायाव बाहागो ला

2



फोरमायथिफोरखौ नायबिजिर  
गुबै मुलाम्फायारि सायख 'नायनि  
बिथिडाव मदद खालाम

3



खौरां फोसावनाय  
मेलनि सोमोन्दै नोथांनि  
ओन्सोलनि गुबुन राइजो-  
राजाफोरखौबो मिथिहो

<https://finance.assam.gov.in> f X @assamfindept

फोरमायथाय आरो सुबुं फोनांजाव बिथोनगिरि मावख', आसामजों फोसावजानाय

Connect with us

f X @diprassam

dipr.assam.gov.in

Janasanyog/D/10564/24/15-Dec-24



## सुजुगिरिनि खोलोम

### खौसेनि गोहोम

मोनसे हारियाव खौसेथि गैये नुजायोब्ला, सेरेखाय-बेरेखाय थानानै रड्जो जानांगो जायोब्ला आरो गावनिल' थानानै थानायनि लामा लानाय गुबुननि नोजोरव गोलैयोब्ला गुबुना बिसोरनि सायाव गादबनो, सोबख'नो आरो नासयनो खाबु मोनो। बिब्दि थासारिखौ सोलिफु मुगायावबो सोलिनायखौ नुनो मोन्नाय जायो। गुरु हायाव मावजिया जैरे खिनो मोजां मोनो बेबादिनो मालाइनि सायाव सोनारनानै सोलिनो गोनां जायोब्लाबो गुबुनफोय ना लफायनाय बादि लफायनो सम, खाबु आरो थासारिखौ नायनानै जमनानै थानाय जौं समाजआरि जिउ खुंनयनिफ्राय लानानै राजखान्थि गेलेनाय आरो बाइदिसिना हाबाफोराव बिब्दि जाथायखौ नुनो मोन्नाय जायो। दासान्दि मुलुगनि दाब दाब ओन्सोलफोराव नोजिया आरो गोलोन्दो हादतफोरनि सायाव गोहो गोर हादतफोर जैरे सोगोमनानै लाखिनाय नुनो मोनो, बेबादिनो खौसेथि गैये हादतफोरव गालोबनाय, दखल खालामनायखौबो नुनो मोनो। दासान्दि खौसेथि गैलायैनि जाहोनाव सिरियानि सोरगिदिं बाइजोआरिफोरनि गालोबनायनि बिजाउन महैरे मुलुनाडे गिदिर दावहा सोमजिनानयनि गिथावनाया बांसिन्दी।

मोनसे समाव जौनि गामिफोराव हाबा-खेराइ, सावरि-बादालि जालायनाय नुनो मोनोमोन। गामिफोराव ज'-ज'थे खामानि मावलायनानै गावजौं गाव मदत होलायनाय नुनो मोनोमोन। बेनि गेजेखौ गामिफोराव समाजआरि खौसेथि आरो गावजौं-गाव हुंखा सुंलायनानै खाथि सोमोन्दो लाखिनो हायोमोन आरो गोबां रांखावरि खरसा जानायनिफ्रायबो बारा'नो हायोमोन। आथिखाल सावरि-बादालि जानायखौ गोबांथार नुनो मोन्नाय जाया। मानोना आथिखाल समआ रां-रुपा बादिनो बेसेन गोसा जाबाय। बेखायनो सुबुंफोरा समजौं गोरबनानै आगन सुरफालांनांगो जानानै फैबाय। बेनि जाउनव सोलिबोनाय गोदेनि नेमखाथिजौं सोलिनो गोब्राब जानानै फैबाय। हासिंङ्गे मावनो हायै हाबाखौ गुबुनजौं खौसेथे लोगो नानानै मावयोब्ला गिदिर, गोर हाबायानो जायाथौं मानो बेखौ मावफुंनो गोलै जायो। गिदिर आरो गोर हाबाया हासिं मानसिनि थाखाय गोबाव समनि गोनांथि जायो लोगोसे मावनायावबो गोब्राब मोनगोन। नाथाय बेफोर गोब्राब हाबाखौ खौसेथे लोगो नानानै मावयोब्ला गोलैथैयो मावनो हायो लोगोसे गोलाव समनिबो गोनांथि जाया। बे रेगोमैनो हारिनि अलखद सम आरो मावनो गोनां हाबा बाइदिसिना मोनो गोनां मोन्थाय बिख'नायावबो खौसेथिनि गोनां जायो। समाजआव खौसेथे हाबा मावनानै मदत होलायनायजौं गामिनि समाजआरि राहाया अराय सम गोखौं जानानै थानाय नुनो मोनोमोन। आथिखाल गामिफोराव गावजौं गाव बिब्दि मदत होलायनायखौ गोबांथार नुनो मोन्नाय जायाब्लाबो जायगा जायगा माखासे हाबाफोरखौ दासिम खौसेथे मावनानै हेफाजाब होलायनायखौ जौं नुनो मोनो। खौसेथे मदत होलायनानै हाबा मावयोब्ला गोब्राब आरो गिदिर हाबाखौ गोलैथे आरो गुसु समनि गेजेरावनो मावफुंनो हायो होन्नानै जौं बयबो मिबथियो। गामिफोरनि रड्जो जानायव जैरे खौसेथि जानानै समाजआरि नेमखाथिखौ गोखौं खालामनो हायो, बेबादिनो जौनि फिसा रड्ज्योनि फाफ्रेम बिथिनि जौगानाय आरो रेखाथि होनायनि थागिदायाव खौसे हाबा मावनायनि गोनांथि सौंफेनायखौ आथिखालनि थासारियाव नुनो मोन्नाय जादों।

समाजनि गुबुन गुबुन हाबाफोर बादिनो खौसेथिनि बाध्याय राजखान्थि फोथारावबो आथिखालनि समाव नुनो मोन्नाय जायो। हादतआव नुजानाय थासारि बादिनो जौनि ओन्सोलावबो खौसेथे लोगो नानानै राजखान्थि गेलेनाय आरो फिसा हालामनि खुंथाय सामब्लायनांगोनि थासारि सौफेदों। आथिखाल गोबांथार फिसा फिसा दोलोफोरनि खौसेथिजौं मिरुआव खुंथाय सामब्लायनानै दड। जौनि रड्ज्यो आरो बड'लेन्ड हालामावबो खौसेथे खुंथाय सामब्लायनानै दड। बेनि ओंथिया बेनादि- मावनो हायै हाबाखौ खौसे जानानै मावफुंनो हायो आरो बिब्दिजौंनो सोलिगासिनोबो दड। हारियाव रजखान्थिखौ लानानै गावसा-गावसि जानानै थानायनो गुबुनखौ गोखौं जानायनि लामा होनाय जादों होन्नानै सोलिफु समाव सावरयनाय नुनो मोन्नाय जादों। बेफोर जाहोन आरो जाथायफोरनो हारियाव खौसे जानांगोनि गोनांथि फेनायखौ नुनो मोन्नाय जादों। बयजौंनो गोनांथि सानजानाय खौसेथिनि बाध्याय इयुनव बेसेबो अन्सायनाय मोनो हायो बेयो थासारिनि सायाससौ सोनारगोन।

## दिनैनि फान्जामुथि

### राशि बाइदियै मुनि गिबि हांखो

**मेघ** : अ ल **बुध** : ऊ ब (उ ए इ) **मिथुन** : क छ (ङ घ)  
**कर्कट** : ड ह **सिंह** : म ट **कन्या** : प ट (ण ष)  
**तुला** : त र **वृश्चिक** : ब न **धनु** : ध भ (ङ फ)  
**मकर** : ख ज **कुम्भ** : ग श (स) **मीन** : द च (ख ज झ)

-  **मेघ**: गोबाव समनिफ्राय आसा खालामनाया मोगथाडव जाफुंसारगोन। गोजोन मोनगोन।
-  **बुध**: सान्नाय-हनाय गासैबो फेलें थानो हागौ। गोथार खामानि मावनो नाड।
-  **मिथुन**: गोसोखौ मानोबा गोजोन्नाय गैये मोनो हागौ। जेखि जाया गोसोखौ हमथा।
-  **कर्कट**: गोसोआव माखौबा लानानै गिलुं-लिल्लुं मोनखानो हागौ। गोसोखौ लोरखानो लानो नाड।
-  **सिंह**: बेफार फालांगि मावनायाव खहाफोर जानो हागौ। सांग्राडै मावनांगोन।
-  **कन्या**: बबेबा गोजान जायगायाव दावबाय हैनो मोनो हागौ। गोसोखौ गोजोन मोनगोन।
-  **तुला**: जेखियानो जाया बे राशिनि फालांगिरिया मुलाम्फा खालामनो हागोन। मोजां सान।
-  **वृश्चिक**: जेखि जाया मोजां जायगायाव दावबायनानै गोजोन्नाय लानो हागोन। मोजां सान।
-  **धनु**: मावबाय थानाय फालांगियाव मुलाम्फा आरजिनो हागोन। दिनैनि सानआ मोजां सान।
-  **मकर**: मोजां रोंग'थिनि थाखाय मान मोनो हागोन। गोजोन्नाय मोनगोन। मोजां सान।
-  **कुम्भ**: माबाफोर जेना-जेंसियाव गोलैबायनो हागौ। गोसो हमथानानै सोलिनांगोन।
-  **मीन**: माबाफोर गोरोन्थि हाबा मावफेलांनायै खहा खालामनानै लानो हागौ।

# बड'लेन्ड टेरिटोरियेल काउन्सिल नोजोर गोनां दैदेन्नायाव दावगानाय

जाहिद आहमेद तापादर  
 राव सोलायनायगिरि- मोगथां बसुमतराी

**गा**हाइ मावफुं सोद्रोमा प्रमद बर'नि नोजोर गोनां दैदेन्नायाव बड'लेन्ड गावखुंथाय ओन्सोलआ मोजां खुंथायनि मोनसे जाखांफुं महैरे नुजाथिदों, जाय भारतनि द'थि फारिलाइयाव सोजानाय गौथुमफोरनि थाखाय मोनसे मानथाखो गाइरन्नाय माइलखुन्थिया मोनोनों। मोजां गुन, आखा-फाखा आरो सोफादेरनायजौं दैदेनजानाय, बिटिसिआ गोनांथार हाबाफारिफोर लादों, जाय दिदोम जौगाथाय आरो बेनि थागिरिफोरनि जौगानायनि थाखाय गावनि रादाइखौ दिन्थियो। मोजां खुंथायाव गोदान बिथा सिफायनाय हानि रेबगाथिफोरखौ डिजिटाइजिंग खालामनाय: मिशन बैसोमुथि बिटिसिआ भारतनि गिबिसिन द'थि फारियाव सोजानाय गौथुम जाबाय जाय गावनि हानि रेबगाथिफोरखौ डिजिटाइज खालामनो हादों आरो गोदान-गोदान मिशन बैसोमुथिनि गेजेरजौं अनलाइन सिबिथाय होदों। से लाखनि बांसिन आर'जलाइफोरखौ मावफुंनयजौं बे हाबाफारिया नोगोरारिफोरखौ गोनांथार सिबिथायफोरखौ गोरलैये मोनो हानायखौ रोखा खालामना लानायनि गोहो होदों। बे मावथांखिया हा खुंथायनि थाखाय मोनसे सोलायनाय नोजोरखौ रिफिखांहोयो, जाय बेखौ बांसिन रोखा आरो आखा-फाखा खालामो।

इ-अफिस खाथि: खुंथायारि आखा-फाखाथिखौ बांहोनाय। प्रमद बर'नि दैदेन्नायाव बिटिसिआ इ-अफिस खान्थिखौ बाहायनायाव लामा दिन्थियो, जाय खुंथायारि आखा-फाखाथिखौ बांहोनाय आरो बिबानखौ रोखा खालामनायाव मोनसे मख'जाथाव आगान। बे हाबाफारिया द'थि फारियाव सोजानाय गौथुमफोरनि सिडव खुंथायाव मोनसे सोलायनाय दिन्थियो। अनलाइन खाजोना बुधुमनाय बिटिसिआ मोनसे अनलाइन खाजोना खानाय खाथि लाबोनाय गिबिसिन आफाद, जाय अनसारखौ फोजोबनो आरो खाजोना सेरनायखौ होवथायो। बे सिगांथि सन्नाय नोजोरआ राडरि सैथोथि आरो सावसिन सिबिथाय होनायनि थाखाय गौथुमनि बावसोमनायखौ दिन्थियो। जौगाखां बाहागोयारिफोरजौं हेफाजाब होनाय बिटिसिआ गोजेर जौगानायखौ थुलुंगा होनानै गुबुन गुबुन सेक्टरफोराव गोदानथार हाबाफारिफोरखौ मावफुंनो थाखाय 25 निबो बांसिन जौगाखां आफादफोरजौं लोगो नानानै खामानि मावगासिनो। बे हेफाजाबफोरा ओन्सोलारि जौगाथायनि थाखाय गौथुमनि बयखौबो लाफादेरनाय आरो सोलोआरि नोजोरखौ दिन्थियो। हा खुंथायाव जांखिखानाय लाबोनाय: केडास्ट्रल नडै गामिफोरखो नायगिदिनाय। गिबि खेबनि थाखाय, बिटिसिआ अं 36 केडास्ट्रल नडै गामिफोरनि गुदि नायबिजिनरनाय खालामदों, जेराव बेनि गेजेरजौं 5,000 निबो बांसिन नाव'रफोरा मुलाम्फा-जादों। बेजौं लोमोसे, गौथुमा गोजेर

## बानी कान्त काकटी बान्थानि मान दान्दानि सायाव मन्थि रनज पेगुआ खेंफोरथि होदों

**गुवाहाटी, 14 डिसेम्बर** : आसामनि सोलेंथाइ मन्थि रनज पेगुआ 2024 नि 12 थाखोनि फरायसाफोरनि थाखाय कान्त काकटी बान्था (स्कुटी) नि थाखाय गुन गोनां मान दान्दानि लोब्यायाव मोनसे खेंफोरथि होदों। बिथानि बुनाय बायदिब्ला, जाय फरायसाफोरा 12 थि थाखोनि आन्जादआव 75 जौखोन्दो एबा बेनि बांसिन (हौवा) आरो 60 जौखोन्दो एबा बेनि बांसिन (हिन्जाव) मोन्दों, बिसरो गाव-गावनि गोजौ सोलें थाइखौ लालांगोन बिसरो स्कुटीनि थाखाय गुन गोनां जागोन। बे बान्थाखौ मोन्नायनि गुण गोनां स्टीमफोरनि गेजेराव एमबिबिएस, इन्जिनयारि, बिएससि (नासि), एलएलबि आरो सार्भेनि गुबुन आयदफोराबो दंफायो। फारसेथिं मन्थि पेगुआ बेखौबो रोखा खालामदोंदि, जाय फरायसाया



कचिनि थाखाय गावनि नेम-खान्थियारि फराफारि एबा सोलेंथाइ लाहैयोब्ला बिसोर बे बान्थाखौ मोन्नाय नड। बेबायदि थांखि आजावनायनि गुबै थांखिया फरायसाफोरखौ आसामावनो गावनि सिगांनि सोलेंथाइखौ लानाय थुलुंगा होनाय, जायजौ रड्ज्योनि सोलेंथाइ जौगाखानाय गावनि बिहोमा होगोन। बानी कान्त काकटी बान्थाया सासे मख'जाथाव सुबुनि मुंआव होनाय

बान्था, जाय सोलेंथाइखौ जौगा होनाय आरो थान-सन्मानखौ लाखिलानायनि थाखाय आसाम सरकारनि गाहाइ बिथांखिफोरखो गेजेराव मोनसे। जर'खायै लाइमोन आइजोफोरनि गेजेराव सोलें थाइखौ जौगाहोनायनि नोजोरजौं जागायनायाव बे बिथांखिया फरायसाफोरखो गावनि गोजौ सोलेंथाइ लानायव मदत खालामनो गावनि गोहोनि जागोनाव गोसो बोनो हादों।

## सोनाब बंगआव राम मन्दिर लुनो बिजेपिआ फोसावदों



**गोदान दिल्ली, 14 डिसेम्बर**: बिजेपिआ सोनाब बंगआवबो गिदिर राम मन्दिर लुनो फोसावदों। टिपमसिनि एमपि हुमायुन कबिरनि रड्ज्योआव बाबरि बायदि मस्जिद लुनायनि बाध्रा बुनायनि उनाव बिजेपिआ बे थांखिखौ फोसावदों। अदेबानि बिजेपि दैदेनगिरि अग्निमित्र थांखि लानाय राम मन्दिर लुनायनि थांखि लानायखौ मस्जिद लुनो फोसावनायजौं सरजाबना नायनाड होन्ना बुंदों। बिथाड कबिरनि बाबरि मस्जिदखौ लाना बिबुंथि होनायखौ अजद होदों। पालआ बुंदोंदि, बिथाडा सिगाडवबो हिन्दु फोलेखौ लानानै माखासे थुनज्जायनाय फिन्नाय

होदोंमोन, नाथाय बेनि सायाव जेबो एकसन लानाय जायाखै। राम मन्दिर, मस्जिदखौ लुनो फोसावनायनि उनावबो बानायनाय जायाखै। बाबरि मस्जिदआबो लुजानो हागौ आरो राम मन्दिरआबो लुजानो हागौ। नाथाय जाय सुबुडा बाबरि मस्जिद लुनायनि बाध्रा बुंदों, बिथाडा सिगाडावबो बुंदों मोनदि, हिन्दुफोरखौ उदाडै बुथारनानै भागिरथियाव गारहरनाय जागोन। नाथाय बेनि थाखाय बियो साजाबो मोनाखै आरो जोहोन फोरमाय नटिसबो हरनाय जायाखै। पलआ ममता बेनाजिनि सायाव रजखान्थियारि

मुलाम्फानि थाखाय हरियायि जे'नाखौ बांहोनाय दाय जावसिन्दों आरो बेफोर बिबुंथि होनायनि आन्दोआव ममता बेनाजिनि आखाय दड, होन्ना बुडो। बिथाडा भट बेंकनि थाखाय नैथि बांलादेश खालामनो सान्दों। आयध्याआव राम मन्दिर बेखेवनाया बोसोरसे आबु जानायनि रंजाथाय फालिगोन आरो बरहमपुरआव अन्थाइ खाम्फा गायसनगोन। बिजेपिनि दैदेनगिरि शंकर घषआ क बिरनि बिबुंथिआव फिनजाथाय होदों। घषआ बुंदों, मन्दिर लुनाया जाखानांगौखा, बेयो जौनि हारिसुआरि नेसों। मस्जिदआ जौं खौ गाल्लोबग्राफोरजौं लोब्या गोनां। बांलादेशआव बे फोलेरनि सान्नाय-हनायफोरखौ रोखा नुनो मोन्दों। मन्दिर लुनायनि थांखिखौ मस्जिदजौं सरजाबनाया सावजाथाव नड। बाबरि मस्जिदहा गावनो आलादा जारिमिन दड। बेखौ सोनाब बंगआव मावबैरे लुथावगौ।

## आसामनि श्रीभूमियाव कारआ बिफांआव सौग्रावनायजौं

**गुवाहाटी, 14 डिसेम्बर**: शुक्रवारखालि आसामनि श्रीभूमि जिल्लानि सिडव थानाय थानय साबा दावबायारिफेरनि गेजेरव सेने आइजो आरो ससे गथ'दडमोन। मिबथि होनाय जायोदि, गोबां खुवा

साबा सुबुफ्रेय गोब्राब जेखोम जादों। मिज'थमनिफ्रेय शिलं फारसे थांवाय सेनेय साबा दावबायारिफेरनि गेजेरव थाबेनो जौखोम जानायफोरखौ श्रीभूमि सिभिल देहा फहामसालियाव

खुनायनि जाहोनाव कार सालायनाया बेलेन्स गोमायो आरो बिफाडव सौग्राव। जायगानि थागिबि सुबुंफोर थाबेनो जौखोम जानायफोरखौ श्रीभूमि सिभिल देहा फहामसालियाव



बिटिसिआ ओन्सोलाव मिडिया रोंगसाफोरनि प्रफाइलखौ लिरथुमनानै मोनसे गुवारे मीडिया डाइरेक्टर थियारि खालामगासिनो दं। बे गिबि हाबाफारिया जिउगोनं मिडिया सुबुं समाजखौ दिन्थियो आरो गासै बिटिआरआव मिडिया रोंगसाफोरजौं सोमोन्दो लाखिनायनि थाखाय मोनसे फुंखा महैरे खामानि मावो।

मिडिया कनक्लेभ जागायनाय बिटिसिआ खामानि मावग्रा खोरागिरिफोर आरो गोसो गुदु खोरां बिजौनि रोंगसाफोरखौ गोहो होनो थाखाय मोनसे मिडिया कनक्लेभनि थांखि दैखादों। गोदान दिल्ली आरो मुदांखा मुलुगसोलोसालिफोरनि फुंखा सुबुंफोरखौ लाफानाय बे जथुम्मायाव फोसाव बिजौनि बोसोन खाथि, गोदान दिथा बिथोनफोर आरो लिरनाय रोंग'थियाव गोसो होगोन। सोलिफु रांखाथियारि बोसोरनि थाखाय थिखानाय बे जथुम्माया आसामनि गुबुन द'थि फारियाव सोजानाय गौथुमफोरनि आलासि फोसाव बिजौं बाहागो लागिरिफोरखौबो बरायगोन, जाय गेजेर-ओन्सोलारि हेफाजाब आरो गिथान सोलाय-सोल'नि थाखाय मोनसे रुजुजायै प्लेटफर्म बानायगोन। बे हाबाफारिया फोसाव बिजौं सेक्टरखौ गोहो होनायाव सासे दैदेनगिरि महैरे बिटिसिनि बिफावखौ दिन्थियो।

गोदान दिहनुथयनि गेजेरजौं जिउखो सोलायनाय सोलेंथाय आरो रांखाथियारि गोहो होनायनि सायाव गोसो होनाय प्रमद बर'नि दैदेन्नायाव बिटिसिआ सोलेंथाइ आरो रांखाथि गोहो होनायाव मख'जाथाव गोसो होदों। बिथायारि सानजथाइ जौगानायनिफ्राय लानानै सावसि हाबाफारिफोरसिम बे ओन्सोला मोनसे सोलायनाय लाबोगासिनो दं, जाय गावनि थागिरिफोरनि थाखाय जिउनि गुनखौ बांहोनायखौ रोखा खालामगासिनो दं।

गोजोर जौगानायखौ थुलुंगा होनाय बिटिसिनि हाबाफारिफोरा आबाद, गामियारि जौगाथाय आरो राडरि सैथोथिजौं लोगोसे गोबां सेक्टरफोराव गोसारना दं। बेफोर नाजानायफोरा जयै ओन्सोलनि अरायथा जौगानायव बिहोमा होयो, जाय बेखौ दावगानाय आरो गोरोबलायनायनि मोनसे दिन्थि महर बानायो।

मोनसे सोलायनाय दावबायनायनि फालिथाय जेब्ला बिटिआरआ 15 डिसेम्बर, 2024 माइथाइयाव गावनि सरकारनि ब्रैथि बोसोरारि आबु सान फालिदों, बेयो दावगानाय, गोजोन आरो गोजोर जौगानायनि मोनसे स्वां महैरे गसंदों। प्रमद बर'नि नोजोरगोनं दैदेनगिरिनि सिडव मोनो हनाय मख'जाथाव दावगानाय मिरु खुंथाइ आरो सोलोआरि रां थिसननायनि गोहोनि फोरसान। सिड्म प्रमद बर'नि गोखोडैदैदेन्नायाव बिटिसिनि सोलायनाय दावबायनाया गावनि थागिरिफोरनि थाखाय जिउनि गुनखौ बांहोनायनि अनगायैबो बे ओन्सोलखौ भारतनि द'थि फारियाव सोजानाय गौथुमफोरनि गेजेराव खुंथायाव संदानग्रा महैरेबो गायसनदों। बे मोनफुनायफोरा बड'लेन्ड आरो बेनि सुबुंफोरनि थाखाय मोनसे गोजौं इयुन सोरजिनो थाखाय गौथुमनि गोखौं रादाइखौ दिन्थियो।

## बांलादेशआव हिन्दुफोरनि थासारिखौ लानानै सरकारा जिंगा सिनाय फोरमायदों

**गोदान दिल्ली, 14 डिसेम्बर** : गुबुन हादतयारि मन्थि एस जयशंकरआ लक सभायाव बुडोदि, बांलादेशआव बाडइ सुबुं सानखो हिन्दुफोरनि सायाव सोलिबाय थानाय हिंसाआ भारतनि थाखाय जिंगा सिनांगौनि आयदा जानाने दं। बेनि गेजेरजौं ढाकाआ बिसोरनि रेखाथिनि थाखाय थांखि लागोन होन्ना गोदान दिल्लीया मिजिं थिदों। एस जयशंकरआ बेनि सोमोन्दैये बुंदोंदि, भारतनि मिजिंथिनाय बायदिब्ला बांलादेशआव गोदान सरकारा भारतजौं लोगोसे गाहामै मुलाम्फा गोनां थासारियाव सोमोन्दो गाइसनगोन। सुलुनि बायदिब्ला बांलादेशआव बाडइ सुबुं सानखो हिन्दुफोरनि सायाव गाल्लोबनायफोरनि माखासे जाथायफोरा सोलिगासिनो दड। बेनिखायनो बे जाथायफोरा जौखौ जिंगा सिहोदों होन्ना जयशंकरआ बुंदों। बावैसो सिगां गुबुन हादतयारि नेहाथारिया ढाका दावबायदोंमोन आरो बे आयदाखौ बिथाडा जथुमाफोरावबो



दिखादोंमोन। बेयाव मिजिं थियोदि, बांलादेशआ गावसोरनि जौगाखानायखौ नोजोर लाखिनानै बाडाइ सुबुं सानखोफोरनि रेखाथिनि थाखाय थांखि लागोन। बांलादेशआव जौगाखां बिथांखिफोरा भारतनि थाखाय गाहाम जारिमिन जाबोदों। बांलादेश आरो चीनखौ नागरनानै दरफोम न'सुसे हादतफोरव भारतआ मख'जाथावै जौगाखां बिथांखिफोरखौ जागायदों आरो बांलादेशनि केसआवबो बियो सोलिबोदों। बेराफारसे लादाखनि सोमोन्दैये बिथाडा सदरनो

फोरमायोदि, भारतयारि रेखाथि हान्जाया लादाखनि डेपसांआव गासै पेट्रिल पडन्टिसम थांगोन आरो सान्जा सिमनानि जोबथा बाहागोसिम थांगोन, जाय जारिमिनारि महैरे भारतनि पेट्रिल सिमनाफेर। थानाय खेबआव चीनजौं डेपसां आरो डेमचकखौ लानानै जाफुंसारे सावरयनाय जादोंमोन। चीनजौं सिगाडवबो सिमनानि सोमोन्दैये सावरयनाया जाफुंसार जादों। फरसेथिं भारतआ पाकिस्तानजौं लोगोसेबो सोमोन्दोखौ गाहाम खालामनो हास्थायो होन्ना गुबुन हादतयारि मन्थि जयशंकरआ बुंदों।

## टिबि बेरामनि हारआ 17.7 जौखोन्दो दावख्नायदों

**गोदान दिल्ली, 14 डिसेम्बर**: देहा मन्थि जेपि नडुआ शुक्रवारखालि लकसभायाव फोरमायदोंदि, भारतआव टिबि बेरामनि हारआव 17.7 जौखोन्दो दावख्नायनाय फैदों। 2015 आव 1 लाख तागिबिफोरनि गेजेराव टिबि केसनि अन्जिमाआ 237 मोन, जाय 2023 आव दावख्नायनानै 195 जायो। बिथानि बादिब्ला, 2015 आव 1 लाख थागिबिफोरनि गेजेराव टिबिजौं थैनायपोरनि अन्जिमाआ 28 निफ्राय दावकलायनानै 2023 आव 22 जाहैयो। देहा मन्थिआ फोरमायोदि, हादतआव मुलि गैये टिबि बेरामनि अलखदखौ नोजोर होनानै 2021 आव मुलि जागायदोंमोन। बे थांखिजौं टिबि बेराम फाहामथाय होनायनि बिथिडव जाफुंसाराया मोनो। मुलिजौं जौखोम थायनाय होना जाफुंसारायनि हारआ 2020 आव



68 जौखोन्दोमोन, जाय 2022 आव 75 जौखोन्दो जायो। ड्रास रेसिस्टेंट टिबिआव जीवाणु टिबिनि फाहामथायनि थाखाय बाहायजाग्रा मुलिफोरनि बेनार होवथानो हनाय गोहोखौ सोमजिहोगासिनो दड, जायजौं मुलिफोरनि गोहोमआ गोलैया। सरकारआ 2025 सिमआव टिबिखौ फोडोबनाय थांखिजौं माहारियारि बिथांखिखौ फोसावो। बिथाड बुंवावोदि, नेस्ले

कम्पानिनि साइड प्रडाक्टआव एडेड सुगारखौ सुबुंथिनि महैरे मोन्नाय जादों। बेराफारसँ हादतआव मांकीपन्स एबा एमपक्सनि जेबो एक्टिभ केस गैया होन्नानै बिथाड फोरमायदों। बिथानि बादिब्ला, 2022 नि उतनिफ्राय एमपक्सनि सा 33 केस मोन्दों। बेयाव के रेलायनिफ्राय 17 आरो दिल्लीनिफ्राय 16 केसफोरा दंफायो।

## साबा सुबुड जेखोम जादों

थिसनहैयो। अदेबानि सिभिल देहा फाहामसालिनि डक्टरफोरा बिथामोखौ गोजौ फाहामथायनि थाखाय सिलचर मेडिकल कलेज आरो देहा फाहामसालि

(एसएमसिएच) आव रेफार खालामो। जाब्रबथायनि खौरंखौ खोनानानै भुगिनाय सुबुनि नख'रनि सोद्रोमाफोरा मिज'थमनिफ्राय सिलचरआव सौहैयो।








# किबर्डआव ए बि सि डि हांखोफोरखौ उन-सिगां रानसारना होनायनि मिबथिनो गोनां जाहोन

नोजोर होथावदि, जेब्लानो जौं टाइपिनि थाखाय जायखि जाया डिभाइसनि किबर्डखौ लायोब्ला बेवहाय थानाय हांखोफोरखौ सारिये एवा थि रेखोमे फारि-फारि मोनो हाया। नाथाय मानो ? बेबायदि हांखोफोरखौ गावजौं-गाव उन सिगां आरो बाखल 'नानै साजायनायनि जाहोना मा ? आथिखालाव कम्पिउटर एवा मबाइलनि मुगा, जेराव जौं बयबो टाइप खालामनानै मेसेज एवा गुबुन खामानिफोरखौ मावो। लेपटप, कम्पिउटर एवा मबाइलनि किबर्डखौ नोजोर होयोब्ला नुनो मोनोदि, बेवाय गासैबो हांखोफोर उल्थां-फल्थां एवा सारिये होजानाय नडा। गोबां सुबुंफोरानो सानो हागौदि, किबर्डआव हांफोरखौ बेबायदिये होनाय जायो ? फारि-फारि होयोमोनब्ला टाइप खालामनायाव हांखोखौ गोसोआव के डब्लिउ आर टि आइ गोरलैसिन जागौमोन




होन्ना सानो। आथिखालाव किबर्डआव होनाय बाटनफोरखौ क्वार्टी होन्ना बुंनय जायो। किबर्डनि मोनफ्रोमबो सारिनि बाटनफोरगव इंगलि हांखोफोरखौ नुनो मोनो। बेबायदिये हांखोफोरखौ टाइप खालामनायाव जौनि आसि थुनाया गोरबनाय बायदिये हांखोफोरखौ सारि-सारिये साजायनाय जायाखै। एनिफ्राय जेटसिम इंगलि हांखोफोरखौ किबर्डनि बाटनफोरगव टाइप खालामनो सुबिधा जानाय बायदिये रानसारना साजायनाय जादौं। बेबायदि साजायनाया कम्पिउटर जोनोम जानायनि

गोबां सिगांनिफ्रायनो सोलिबोदौं। टाइप राइटरनि मुगायावनो बे खांन्थिया सोलिदौंमोन। टाइप राइटरखौ दिहुन्नाय कि स्टपार लेटम सल्सआ ए बि सि डि हांखोफोरखौ सारिये फज 'नानै गिबि किबर्ड बानायदौंमोन। नाथाय गोखैयै आरो सुबिधा बायदिये टाइपिं खालामनायाव जे'ना नुजाथिदौंमोन। मोनसे हांखोखो गले गले टाइप खालामनायाव टाइप राइटरनि हांखो बाटनफोर गावजौं गाव जेथो नांदौंमोन। बेनि जाहोनाव गोखैयै टाइपिं खालामनायाव

जेना जानांदौंमोन। बेनि बिब्लि जेनानि उनाव टाइपिंखौ सुबिधा गोनां आरो गोरलै खालामनायनि थाखाय हांखोफोरखौ सिगां बेबायदिये साजायनाय होनाय जायो। गोदान हांखो साजायनायाव हांखोफोरखौ गले गले बाहायनायाव जे'ना जानायाबो जानगार जायो। बेबायदि हांखोखौ साजायनायाव गोबां खेब फेलैबो जानांदौं। बेनि उनाव 1870 जौथायाव किउ डब्लिउ इ आर टि वाइ एवा गिबि सारियाव बे हांखोफोरखौ साजायनाय बायदिये गुबुन हांखोफोरखौबो उन सिगां खालामना साजायनायाव टाइपिंआ सुबिधा आरो गोरलैसिन जायो। बेनिफ्रायनो बे आदोबखौ गोरलै आरो सुबिधा गोनां स्टेन्डाई फर्मेट सायख 'ना लायो। मानोना बे राहायाव टाइप राइटरनि हांखो गनफोरा गावजौं गाव नांजबनाय जायाखै।

# बोथोर बिफाना खुवा खुनायखौ लानानै एलार्ट फोसावदौं



बरफनि बारनि जाहोनाव दिल्लीआव लान्थिये नैथि सानावबो खुवा बायदि थासारि सोमजियो आरो मिनिमाम बिदुखव थांनय साननि रुजुनायावबो 0.4 डिग्रि सेल्सियस दावखलायो। थांनय बृहस्पतिवार खालि फुडव मिनिमाम बिदुख सरसन्सानिफ्राय 4 डिग्रि सेल्सियस खम जायो। बेजौं 3 बोसोरनि गेजेराव डिसेम्बर दानाव बृहस्पतिवारनि मुडा दासिमनि बयनिखुइ गुसुसिन जायो। बोथोर बिगियानगिरिफोरनि गनायना लानाय बायदिब्ला, जानुवारीनि उनाव गुसुआ जागायनो हागौं। गोखौं सोनाबारि नारसिन्थाया खम जानायनि जाहोनाव सा भारतआव डिसेम्बरनि गिबि सप्ताहसिमाव बिदुख सरसन्सानिफ्राय जौसिनावमोन। नाथाय हाजोफोरगव जेब्ला गोखौं सोनाबारि नारसिन्थाया फेयो अब्ला नैथि सप्ताहनिफ्राय गुसुआ जागायो। स्काइमेटनि गनायनाय बायदिब्ला, फेगौं 8-10 सानसिमाव जेबो गुबुन सोनाबारि नारसिन्थाइ फेनाय नडा। अब्लाबो हाजोफोरगव बरफआ सोलिबाय थागोन। बेनि जाहोनाव जम्मु-काश्मीर, पान्जाब, हरियाणा, दिल्ली आरो सोनाब उत्तर प्रदेशजौं लोगोसे हायेनारि राइज्योफोरगव सान 3-4 सिमाव बिदुखव दावखलायनाया सोलिबाय थागोन। नाथाय जेब्ला बरफनि गोहोमा खम जागोन अब्ला गुसु बाराबो गुदुं जानो हमगोन। बेनि गेजेरजौं बोथोर बिफाना दिल्ली-इडपीजौं लोगोसे राजस्तान, पान्जाब, हरियाणा, हिमाचल प्रदेश आरो मध्य प्रदेशआव खुवा खुनायनि एलार्ट फोसावो।

बरफनि बारनि जाहोनाव दिल्लीआव लान्थिये नैथि सानावबो खुवा बायदि थासारि सोमजियो आरो मिनिमाम बिदुखव थांनय साननि रुजुनायावबो 0.4 डिग्रि सेल्सियस दावखलायो। थांनय बृहस्पतिवार खालि फुडव मिनिमाम बिदुख सरसन्सानिफ्राय 4 डिग्रि सेल्सियस खम जायो। बेजौं 3 बोसोरनि गेजेराव डिसेम्बर दानाव बृहस्पतिवारनि मुडा दासिमनि बयनिखुइ गुसुसिन जायो। बोथोर बिगियानगिरिफोरनि गनायना लानाय बायदिब्ला, जानुवारीनि उनाव गुसुआ जागायनो हागौं। गोखौं सोनाबारि नारसिन्थाया खम जानायनि जाहोनाव सा भारतआव डिसेम्बरनि गिबि सप्ताहसिमाव बिदुख सरसन्सानिफ्राय जौसिनावमोन। नाथाय हाजोफोरगव जेब्ला गोखौं सोनाबारि नारसिन्थाया फेयो अब्ला नैथि सप्ताहनिफ्राय गुसुआ जागायो। स्काइमेटनि गनायनाय बायदिब्ला, फेगौं 8-10 सानसिमाव जेबो गुबुन सोनाबारि नारसिन्थाइ फेनाय नडा। अब्लाबो हाजोफोरगव बरफआ सोलिबाय थागोन। बेनि जाहोनाव जम्मु-काश्मीर, पान्जाब, हरियाणा, दिल्ली आरो सोनाब उत्तर प्रदेशजौं लोगोसे हायेनारि राइज्योफोरगव सान 3-4 सिमाव बिदुखव दावखलायनाया सोलिबाय थागोन। नाथाय जेब्ला बरफनि गोहोमा खम जागोन अब्ला गुसु बाराबो गुदुं जानो हमगोन। बेनि गेजेरजौं बोथोर बिफाना दिल्ली-इडपीजौं लोगोसे राजस्तान, पान्जाब, हरियाणा, हिमाचल प्रदेश आरो मध्य प्रदेशआव खुवा खुनायनि एलार्ट फोसावो।

# हारिनि मुडव बिसायख 'थि देरहाग्राफोरा हारिनि थाखाय जेबो मावा: नितिन गाडकारि

गोदान दिल्ली, 14 डिसेम्बर: मिरु मन्थ्रि नितिन गाडकारिआ बुंदौदि, हारिनि मुडव बिसायख 'थि देरहाग्रा सुबुंफोर गावनि फोलेरनि थाखाय जेबो खालामा। बबेखानि गावनि नख 'रनि सोद्रोमाफोरखौ बिसायख 'थियाव फस'नो थाखायसो टिकेट बियो। मोनसे मिडिया गुपनि हाबाफारिआव गाडकारिआ बुडौदि, आथिखालनि राजखान्थिआव जेनाया बेनोदि, गोगलै सोनाया मोनसे राजखान्थियारि जौगाखांनय जाबाय। बेनिखायनो बयबो उन जानानै थालांनयखौ फोरमान



खालामनो लुबैयो। मन्थ्रिआ बुडौदि, जायफोलाव सुबुंफोरसो दिन्थिनो थाखाय जेबो खामानि गैया। बिसोर हारिनि मुडव बिसायख 'थि देरहानो नाजायो।

गथ 'फोरनि थाखाय टिकेट बियो। नाथाय राजखान्थि दोलोफोर निकावरि, लाइमोन, आबादारि, आइजोफोरनि जौगाखांनय आरो भारतयारि रंखान्थि रहाखौ गोखौं खालामनो थाखाय हाबा मावनांगो होन्नानै गाडकारिआ बुडो। बिथाडा बुडोदि, बिसायख 'थि फोसावदिनि समाव बिसोर माल्बाबो हारिनि सोमोदौं बाग्रा बुडा। बिथाडा गनायोदि, समाजयारि सिबिथाय आरो मोजां खामानिजौं सुबुंफोरनि मददजौं देरहानायाव मदद मोनगोन।

# गगनयान मिसनआव फिन खेबसेबाव इसर'नि जाफुंसारनाय

बेंगालुरु, 14 डिसेम्बर: गगनयान मिसननि थियारि खालामबाय थानाय इसर'आ आरो खेबसेबाव जाफुंसारनो हादौं। भारतयारि अख्रामा एजेन्सिआ शुक्रवारखालि फोसावोदि, गिबि मटर सेगमेन्टआ प्रक्षेपण परिसरआव सौहैबाय। बेनि सिगां इसर'आ अख्रामा दावबायारिफोरखौ लैथोनि लामाजौं रेखाथियै लाबोफिन्नो थाखाय नेभिजौं गोरोबलायनानै थांनय 6 डिसेम्बरआव वेल डेक रिक्भारि आन्जाद नायदौंमोन। वेल डेकआ एरैबादि जाहाज, जेराव दै सोनो हायो, जाहाथे नाव आरो अख्रामा यानखौ जाहाज सिडव लांनो हायो। इसर'आ एक्सआव पस्ट खालामदौंदि, भारतनि सुबुंथि अखाडव बिरनाय सिमाड मोखथां महर मोनो थांगासिनो दड। बेयो गगनयान मिसननि थाखाय माइल खुन्थिया। गिबि खेब सालिड मटर सेगमेन्टआ दिहुन्थाय जोन्थोरजौं लन्नि परिसरआव सौहैबाय। बेयो एसिलुधिपम 3 जि 1 बिरनाय फासै मख 'जाथाव थांखि। गगनयानआ हादरनि गिबि सुबुंथियारि अख्रामा बिरनाय मिसन। बेनि गेजेरजौं सा 3 अख्रामा दावबायारिफोरखौ सान 3 नि मिसननि थाखाय 400 कि:मि:नि खथायाव दैथायहरनाय जागोन आरो बिसोरखौ बातरयारि लैथोमा ओन्सोलाव बागलायहोनाय जागोन। बे मिसननि गेजेरजौं भारतआ अख्रामा



दावबायारिफोरखौ अखाडव दैथायहरनानै बिसोरखो बुहुमआव लाबोफिन्नायनि गोहोखौ दिन्थिगोन। इसर'नि सिड 20 क्रायजेनिक इन्जनखौ आन्जाद नायदौं।

# आसाम राइफल्सनि सा 35 जवानफोरखौ सना आरो रुफानि मेडेलजौं मान बाउदौं



आइजल, 14 डिसेम्बर: मिजगमनि राइज्यो बेंगिरि हरि बाबु कम्भमपतिआ मोजाडै डिडटि मावनायनि थाखाय आसाम राइफल्सनि सा 35 जवानफोरखौ मान बाउदौं। बान्था देरहासारनाय जवानफोरनो मुंदांखा अलंकरण फोबौंनि समाव राइज्यो बेंगिरिआ सना आरो रुफानि मेडेल गथायो। अलंकरण फोबौंखौ 13 डिसेम्बरखालि राजभवननि सार्कुलार लनआव इनस्पेक्टर जेनेरेल, आसाम राइफल्स (सान्जा) नि दैदेन्यायव

आसाम राइफल्सआ खुंफुदौंमोन। राइज्यो बेंगिरिआ आसाम राइफल्सनि सा 35 जवानफोरनो सना आरो रुफानि मेडेल गथायो, जेराव 2024 नि थाखाय मोन 15 सनानि मेडेल आरो मोन 20 रुफानि मेडेलआ दंपायोमोन। हाबाफारिआव राइज्यो बेंगिरिआ बिबुंथि लाखिनानै हाबाफारि खुंनयखौ बाखनायो आरो बुडोदि, आसाम राइफल्सआ भारतनि बयनिखुइबो गोजामसिन पेरा-मिलिटारि हान्जाफोरनि गेजेराव मोनसे, जाय गावनि सिबिथायनि थाखाय मिथिसारजायो आरो जायगानि सुबुंफोरनि रेखाथि आरो जौगाखांनयनि थाखाय हाबा मावनायनि थाखाय हाजोयारि सुबुंफोरनि लोगो महरै मिथिसारजायो। राइज्यो बेंगिरि कंभमपतिआ फेग्रा मुलिफोरनि खेफोदजौं मोगा-मोगि जानायाव मख 'जाथाव बिहोमा होनायनि थाखाय 23 सेक्टर आसाम राइफल्सखौबो बाखनायो। बिथाडा गोबां कौटि बेसेरनि होवथाजानाय फेग्रा मुवाफोर आरो निसा गोनां मुलिफोरखौ जाफुंसार महरै बोखानो हानायखौ बाखनायो। बेनि अनगायै राइज्यो बेंगिरिआ हाथियारफोरनि खेप बोखानाय आरो उतखारिफोरखौ हमनो हानायखौबो गनार्थियो। बिथाडा बान्था मोनगिरिफोरखौ सिगां फासै गावनि बिबानखौ मावफुंलानो आरो सिबिथाय होलांनो थाखाय थुलुंगा होयो।

# रंजालि गथ 'फोरनि सौरा

## बिरगोसि सिख्ला

सोरनि थाखाय बावसोमखो नौं -- नौंनि आगोमा जिउखौ ? हारिनि रैखानि दावहायाव बिगुर गोजा फोरनि बेरेखायै सहायै सहायै सोरनि थाखाय लाखो थैनायखौ नौं गोबाना ?

जानो हागौं-गावजौं गाव फोथाय लायैखौ खबु लाना इंग्रज फोरनि फाव फान्दायनायाव जोनोम हादोरा जागोन थाजोर बिगुर गोजा फोरनि राजखुंथाइ ।

जेब्लासिम बिसोरनि राजखुंथाइखौ गनायना लाया अब्लासिम सोलिबाय थागोन इंग्रजनि उदखार ।

खोनाना गोमाबाय मेगननि निन् हरसेनि गेजेराव साखा फारा जाना गराइ दाब्राय लांबाय , जोनोम हादोरखौ रैखा खालामनो बारसोम हैबाय रोनि थिलिआव ।

दाउफोरा गां बुयै बुयै उराय लांदौं बाग्दावखांदौं-मै अमा मोसा मुफुर लखा गिनानै खारलुं जोबदौं , अखा मोफ्लामनाय बादि दावहा नांदौं मोदान लायदौं धाहाल थुग्रि ।

अखा खोरोमदौं अखाडव हादि गफगुंदौं दावहा थिलिआव , दावहा नाडै नाडै दै गांनयाव मेंगिलनाय सोलेर हालिया थावरिनो खारलांबाय सोरमाडव दै लौंनो ।

फोथायखेबस' गुन्जैर फोरनि सोलोआव खासि बिस्त्रिनो दानथार जाबाय , सोरमानि दैया थैजौं जाहाब लांबाय -- आय' बिरगोसि सिख्ला हारिनि थाखाय नौं मुख्तं जाबाय ।

हारिनि रैखानि दावहायाव आइजो माहारिनि खर'आव नोडे खुंगुर जाना मोदानना थाबाय , मुगायै मुगा-सल' बाथा बादि हारिनि गेजेराव बिरगोसि सिख्ला ।

पबित्र ब्रत दैमारी ग'लाघाट

## गोथां सिमां

जायखौ खोमानानै लंथं जायो बेयो हामानि खन्थाइ इयुन थांखि सोरजि थाइनि गोथां सिमां।

सबिराम बर' रावां, बाक्सा

# बांलादेशनि सायाव सिडिपिएडसआरआ गिख्रंथाव रिपर्ट दिन्थिदौं

कलकाता, 14 डिसेम्बर : बांलादेशआव हिन्दुफोरनि हेंथायै सोलिबाय थानाय हिंसानि सायाव 'सेन्टर फर डेमोक्रेसि प्युरलिन्म एन्ड हिउमेन राइटस' एवा सिडिपिएडसआरआ मोनसे गिख्रंथाव रिपर्ट दिन्थियो। सिडिपिएडसआरनि प्रेसिडेन्ट डक्टर प्रेरणा मल्हत्रा आरो प्रफेसर कपिल कुमारआ मिनिस्टिस आन्डार सिज इन बांलादेश मुनि बे रिपर्टखौ सुबुंफोरनि सिगाडव दिन्थियो। बे रिपर्टआव बुंनय बायदिब्ला, बांलादेशआव सरकारनि सरेखाथि होनायाव बाडइ सुबुं अन्जिमा हिन्दुफोरनि सायाव इनाय अनागार खालामगासिनो दड आरो बेनि गोहोमा गासै मुलुगानि सायावबो गोगलैगोन। रिपर्टआव बे बाथ्राखौबो बुंनय जायोदि, मुलुगानि गिदिर-गिदिर हादतफोरनि बिफाना बांलादेशनि इन्टारिम सरकारनि सायाव नारसिन्नाय, जायजौं हिन्दुफोरनि सायाव सोलिबाय थानाय इनाय-अनागार



बन्द' जायो। डक्टर प्रेरणाआ बेयो बांलादेशखौ लानानै जौनि थामथि रिपर्ट होन्ना बुंदौं। बांलादेशआ हिन्दुफोरनि सायाव गोबां गोरैथि खालामगासिनो दड। बयनिखुइ गोमोथावसिन बाथ्राया बेनोदि, मुलुगा बेखौ लानानै गोजौनै दड। बेनि डेटानि बायदिब्ला, शेख हासिनाखौ बोखलायनायनि सानत्रेनि गेजेराव बुफाय-बुसिनि मोन 190 केस दिखानो मोन्दौं। बेनि अनगायै गं 16 मन्दिफोरखौ बुफाय-बुसि मन्दिफोरखौ सिर्लिखार खालामो। थांनय 20 आगस्टसिमाव 2 रोजानिखुइ बांसिन हिन्दुफोरनि सायाव हिंसायारि जाथाय खालामनायनि केस थिसनो आरो गं 69 हिन्दु मन्दिफोरखौ बुफाय-बुसि खालामो आरो दासिमबो बेबायदि थासारिया सोलिगासिनो दं।

## जिउ नि फारिलाय

समनि गोरा फाखनाव गाबथा हायै आगान बिजिर हायै जिउनि खबाम जिउआ सानस्रीसो जाबाय सानावनो सांग्रेमा फिसा नुनाय। गोजौ गोजौ सिमां नुनायमोन जाफुंगोनना जाया बादिसो बोथोराबो आनि नंला जाहैबाय नंखायनो फोथाय हायै जाबाय। मुलुगा बुजि मोनगोन मिथिया आनि गुआर जिउ खबाम जिउनि बै फारसे रुगुं सोफैबाय आनि फारिया जोबबोबाय। मुलुगानि गोखा गोखै संगालिना मोनदांजुबबाय बोराब नाय हास्थाय नाय बिजिरना नायोबा मिथिगोन आनि जिउ नि फारिलाय।

हेमन्त स्वर्गीयारी गोदान दिल्ली

## सोदोबनि सोलेर

-अनिल कुमार ब्रह्म

ओंथि बह्म सोदोबफोरखौ साजायोब्ला खन्थाइ खबामनि महर मोनो; सानसि गोनां खन्थाइनि खबाबफोर सोगौं फारसे दाब्रो लाडे। आरो खन्थाइफोरखौनो स्नाइयै साजायोब्ला दौंसे मेथाइनि रुक लायो; दौंसे रैसुमै जिउनां मेथाइया गोबौनि बिखा-बिख्लो जाउरि होयो।

## मा बुंनो

मा बुंनो जिउरामनि जिउनि बिथुन माने रेबोबा गांसे सल'मा

मा बुंनो जिउरामनि जिउनि बिथुन मालाबा नुयो मोदैनि अखा

मा बुंनो जिउरामनि जिउनि बिथुन बोहैथि जिउवाव गैया जिउ राहा

मा बुंनो जिउरामनि जिउनि बिथुन हरदम नुयो लैथोमासे दिखार

-रैदोम बर', बाक्सा



# आमेरिकानिफ्राय सा 18,000 भारतयारिफोरा डिपर्ट खालाम जानो हागौ: रिपर्ट

# फ्रान्स्वइज बायरुखौ फ्रान्सनि गोदान गाहाइ मन्थि सायख 'बाय

गोदान दिल्ली, 14 डिसेम्बर: आमेरिकाया गोदानै सायख' जानाय हादतगिरि डनाल्ड ट्रम्पनि खुंथायाव 18,000 भारतयारिफोरखौ डिपर्ट खालामनो हागौ। बे खौरंखौ आमेरिकान इमिग्रेशन एन्ड कास्टम इन्फर्समेन्ट (आइसिइ) आ फोसावनाय अन्जिमानिफ्राय मिबथिनो हादो। अन्जिमा बायदिल्ला, आमेरिकायाव थाहैनाय सा 17,940 भारतयारिफोरा बै 1.45 मिलियन सुबुंफोरजो दंफायो, जायफोरनि सायाव डिपर्ट खालामनायनि खैफोदआ साग्लोबनानै दड। आइसिइया फोसमायदोदि, आमेरिकायाव थि रोखोमनि डक्युमेन्ट गैयाजासेनो थानाय गुबुन हादतनि



सुबुंफोरखौ डिपर्ट खालामनाय ट्रम्पनि बडरि सिकुरिटी एजेन्डा। मख'जाथावदि, डनाल्ड ट्रम्पआ फेगो बोसोर 2025 नि 20 जानुवारीयाव आमेरिकानि हादतगिरि महरै समायखिरा

लागोन। बिथाडा गुबुन हादतयारिफोरनि थाखाय गोखौ इमिग्रेशन पलिसि लाबोग्रा देदेनगिरि। आइसिइया थानाय नभेम्बराव बे अन्जिमाखौ फोसावदोमोन। अन्जिमा

बायदिल्ला 17,940 भारतयारिफोरखौ जोबथा बिथोननि बै फारिलाइयाव दोन्याय जादो, जाय आइसिइनि कास्टाडीयाव गैया, नाथाय डिपर्ट खालामनायखौ नेनानै दड। बिसेरनि गेजेराव गोबां भारतयारिफोरा 3 बोसोरनिबो बावसिन समसिम आइनआरि हाबाफारिजो भुगिनांदो। रिपर्टआव भारतआ बै दर 15 हादतफोरजो दंफायो, जायनि

सायाव डिपर्ट हाबाफारियाव हेफाजाब खालामाखै होन्ना दाय जाबसिन्नाय जादो। आन्जिमानि बायदिल्ला, थानाय 3 बोसोराव 90,000 भारतयारिफोरखौ आमेरिका सिमनायाव आइन बेरेखायै हाबहैनायाव हमदो। हमजानायफोरनि बांसिनानो पान्जाब, गुजरात आरो अन्ध प्रदेश बायदि राइज्योफोरनि। अदेबानि आमेरिकायाव आइन बेरेखायै सिमना बारहैग्रा हादतफोरनि गेजेराव आमेरिकाजो नान्जानाय हादतआ जौसिन नाम्बराव दड। बेसेरनि गेजेराव सा 2,61,000 आ लेखा बिलाइ गैयै गुबुन हादतयारिफोरजो हन्डुरासासि सेथियाव, ग्वाटेमालाया सा 2,53,000 आइन बेरेखा थाहैनायफोरजो चीनआ सेथियाव दड। अभाअर अल रिकंआव भारतआ सा 17,940 सुबुंफोरजो 13थि जायगा आवग्रिदो।

पेरिस, 13 डिसेम्बर: फ्रान्सनि हादरगिरि इमानुएल मेक्रनआ थानाय शुक्रबारखालि फ्रान्स्वइज बायरुखौ हादरनि गाहाइ मन्थि महरै सायख'यो। सुलुडाव फोरमायनाय बादिल्ला, फ्रान्सनि दक्षिणपन्थि आरो वामपन्थि एमपिफोरा थानाय सप्ताहआव जांरिमिनारि फोथायजाथावै थंखिनि सायाव लोगोसेयै ज' जानानै भटि खालामदोमोन, जायनि जाहोनाव गाहाइ मन्थि माइकेल बार्नियर आरो बिनि केबिनेटनि सोद्रोमाफोरा बिबान एंगलायनांदोमोन। मेक्रननि गेजेर थाखोनि जुथाय दोलोआव मख'जाथाव शेयारखौ 73 बोसोरनिफ्रायनो फ्रान्सनि खुंथायाव मख'जाथाव थाखोआव लाखिबोदो। बिसेरनि खुंथायनि मोन्दांनयखौ हादरआव दिदोमथि सोलिहोनो नाजानायाव मख'जाथाव महरै गनायना लानाय जादो। मानोना नेसनेल एसेमब्लिआव रावबो



दोलोआ थोजासे भट मोनाखै। सुलुडाव फोरमायनाय बादिल्ला, मेक्रनआ थानाय सप्ताहआव फेगो 2027 आव गावनि हाबा मावनाय सम जोबजासिम मासिआव थाबाय थानो समायखिरा लादोमोन। मेक्रननि मावख'नि फार्सेनिफ्राय फोसावनाय मोनसे बिबुंथियाव बुडेदि, बायरुनो गोदान सरकार दानायनि बिबानखौ गथायो। मिजिंथिनय बादिल्ला, बायरुआ फेगो सानफोराव गोदान मन्थिफोरखौ सायख'नो थाखाय आलादा-आलादा दोलोफोरनि देदेनगिरिफोरजो लोगोसे

सावरायगोन। बे हाबाफारिआ गोबां सेलेनिज जादो। मानोना मेक्रननि जुथाय दोलोनियाव संसदआव थोजासे मासि तयाखे आरो बायरुनि केबिनेटखौ खुंथायाव लाखिनो थाखाय वामपन्थि आरो दक्षिणपन्थि मोननैबो दोलोफोरनि बिजाथिफोरा एमपिफोरनि सायाव सोनारंगोन। माखासे बेरेखा दोलोनि देदेनगिरिफोरबो गोदान सरकारनि बाहागो जानो हागौ। बायरुखौ बावैसो सिगां इउरपीय संसदनि रांखांन्थि गेनाखांन्थि खालामनायनि दाय गोनांकेसआव रेहाय होदोमोन।

## हादतगिरि बाइडेनआ जेलाव साजा भुगिनांनय साब्रै भारतआरि, आमेरिकानफोरनो रेहाय होबाय



वाशिंन्टन, 14 डिसेम्बर: आमेरिकानि हादतगिरि ज' बाइडेनआ साब्रै भारतआरि-आमेरिकानफोरजो लोगोसे गासै सा 1500 सुबुंफोरनो निमाहा होबाय। बिसेरनो 17 बोसोरनिफ्राय लानानै जिउ जाबजासे जोबथेसालिनि साजा खोनासंहोदोमोन। निमाहा मोन्याय बे साब्रै भारतआरि आमेरिकानफोरा मिरा सचदेव, बाबुभाइ पाटेल, कृष्णा मटे आरो भिक्रम दत्ता। बाइडेनआ थानाय बूहस्पतिबारखालि मोनसे बिबुंथियाव बुडेदि, हादतगिरि महरै आं बै सुबुंफोरनि सायाव अन्नाय दिन्थिनो गिदिरि खाबु मोनबाय। अदेबानि आमेरिकाआ

अहिंसानि दायनिगिरिफोर, जर'खायै फेग्रा बेसादिनि फालांगि खालामग्रा दायनिगिरिफोरनि दायफोरनि साजायाव समानथि नडै'खौ जानगार खालामनो थाखाय थंखि लादो। बिथाडा बुडेदि, बेनिखायनो आं दिने बै सा 39 सुबुंफोरनो निमाहा होदो, जायफोरा गावनि हादतगिरिफोरखौ गोखौ आरो रेखाथि खालामनो थाखाय सोमावसारदो। बिथाडा गासै सा 1500 सुबुंफोरनि साजाखौ निमाहा होबाय। सानसेनि गेजेराव एसेबां गोबां निमाहा होनाय आथिखाल साननि मोनसेल' जाथाय। मख'नो गोनांदि, थानाय 2012

माइथायनि डिसेम्बर दानाव मिस सचदेवखौ मिसिसिपिनि गंसे केन्सार सेन्टराव गेना-खांन्थि खालामनायनि दायआव 20 बोसोरनि साजा खोनासंहोनायजो लोगोसे 82 लाख आमेरिका डलारखौ गथायफिनो बिथोन होदोमोन। आथिखालाव बियो 63 बोसोर बैसो जाबाय। बेराफारसै बाबुभाइ राटेलखौ 2013 आव सावसि सिबिथायाव गेना-खांन्थि खालामनाय आरो फेग्रा बेसाद बाहायनायनि नेम-खांन्थिखौ सिफायनायनि मोन 26 केसफोरव 17 बोसोरनि साजा खोनासंहोदोमोन। बेनि अनग्राये 54 बोसोर बैसोनि कृष्णा मटेखौ 2013 आवनो क्रेक ककिन जगानाय होनाय केसआव जिउ जोबजासेनि साजा खोनासंहोदोमोन। फारसैथि, 63 बोसोर बैसोनि भिक्रम दत्ताखौ 2012 नि जानुवारीयाव मेनहट्टन जुथाय बिजिरसालिया 235 दान जेलनि साजा खोनासंहोदोमोन।

## भारत-चीन सिमनानि डेपसांसिम पेट्रलिं होनायनि सायाव मन्थिया बिबुंथि होदो



लाहाख, 14 डिसेम्बर : भारत-चीन सिमनानि जेनाखौ लानानै गनायथिज्जालयनायनि खौरं गोसारनायनि गेजेराव गुबुन हादतयारि मन्थि एस जयशंकरआ डेपसांसि खाथि-खालानि सिकिउरिखौ लानानै गिदिरि आपडेट होदो। एलएसिखौ लानानै मन्थि जयशंकरआ रोखा खालामदोदि, भारतारि रेखाथि हान्जाया

बिथानि सिगांआव होनाय फिन्यायखौ संसदआव रायखोनाय जादोमोनदि, दरै हादतनि गेजेराव गनायथिज्जालयनाय मिजिं थिनय जादोमोनदि, भारतारि रेखाथि हान्जाया डेपसांआव गासिबो पेट्रलिं खालामग्रा जायगासिम थंगोन आरो आगुनि सिमनासिमबो थंगोन, जाय जांरिमिनारि महरै जौनि पेट्रलिं सिमना जाबोदो। मन्थि जयशंकर कंग्रेसनि एमपि मनिष तिवारीनि सौंथि सौनायनि फिन्यायाव भारत-चीन गोरोबथाखौ रायखोनांनै बुडेदि, बे रादायफोराव माखासे खांन्थिफोरबो दंमोन, जेराव फारनैबो हान्जाया अरायथा नडै महराव गावखौ माखासे होबथानायनि बेंखनाव लाखिनो गनायथि लायदोमोन।

सुइजारलेण्डआ भारतनो होनाय एमएफएनखौ बोखांना लाबाय



गोदान दिल्ली, 14 डिसेम्बर: सुइजारलेण्डआ भारतनो होनाय मस्ट फेवर्ड नेशन (एमएफएन) नि बिमुंखौ बोखांना लानायनि थंखि लाबाय। सुइजारलेण्ड सरकारनि फार्सेनिफ्राय मिबथिहोनाय बायदिल्ला, फेगो 1 जानुवारीनिफ्राय बे थंखिया गोहोम गोनां जागोन, जायनि बिजाउनाव सुइजारलेण्ड आरो इउरपियान इडनियनआव खामानि मावहैनाय भारतयारि कम्पानीफोरा बैयाव आंजिनयनि सायाव सिगांनिफ्राय बांसिन टेक्स होनांसिगोन। थामहिनाव फेगो 1 जानुवारी 2015 निफ्राय भारतयारि कम्पानीफोरा सुइजारलेण्डआव जेसेबां आरजिनो हागोन बेनि सायाव 10 जौखोन्दो टेक्स होनांसिगोन। सुइजारलेण्डनि रांखांन्थि बिफानआ 11 डिसेम्बराव होनाय फिन्यायाव बुंदोमोनदि, भारतजो डिटिए आयदायाव एमएफएन बिमुंखौ बोखारना होनाय जाबाय। सुइजारलेण्डआ बे थंखिखौ सुप्रिम कर्टनि बै थंखिखौ नोजोराव लाखिनाय जादोमोन। बेनि जाहोनाव सुइजारलेण्डनि कम्पानी नेस्लेया भारतआल आंजिनो हानायनि सायाव बांसिन टेक्स होनाडे। मख'जाथावदि, एमएफएनखौ बोखांना लानायनि उनाव सुइजारलेण्डनि कम्पानीफोरबो भारतआव बांसिन टेक्स होनांसिगोन। बेजो सुइजारलेण्डआव इन्भेस्ट खालामनो गोनांनि सायावबो गोहोम गोलेनो हागो। डिटिएनि गेजेरजो एमएफएन रादायाव थानाय हादतफोरा मुलाफ्फा, टेक्नीक टेक्स आरो इंकाम टेक्सनि सायाव खम हायैयो टेक्सखौ होनो हायोमोन।

सावरायगोन। बे हाबाफारिआ गोबां सेलेनिज जादो। मानोना मेक्रननि जुथाय दोलोनियाव संसदआव थोजासे मासि तयाखे आरो बायरुनि केबिनेटखौ खुंथायाव लाखिनो थाखाय वामपन्थि आरो दक्षिणपन्थि मोननैबो दोलोफोरनि बिजाथिफोरा एमपिफोरनि सायाव सोनारंगोन। माखासे बेरेखा दोलोनि देदेनगिरिफोरबो गोदान सरकारनि बाहागो जानो हागौ। बायरुखौ बावैसो सिगां इउरपीय संसदनि रांखांन्थि गेनाखांन्थि खालामनायनि दाय गोनांकेसआव रेहाय होदोमोन।

## खासि हिल्स गावखुंथाइ जिल्ला परिषदनिफ्राय कंग्रेसनि सा 3 एमडिसिआ ओंखारबाय



शिलं, 14 डिसेम्बर : कंग्रेसआ मेघालयआव खासि हिल्स गाव खुंथाइ जिल्ला परिषदआव (केएचएडिसि) आव नेशनेल पिपुल्स पार्टी (एनपिपि) जो देदेनजानाय हाबाफारि समिति (इसि) निफ्राय गावनि हेफाजाबखौ बोखांना लायो। कंग्रेसआ थानाय बोसोरनि जुननिफ्राय बिसायख'थि आयगनि बाहागोयारि जाना दंमोन। इनाइडेड डेमोक्रेटिक पार्टीजो देदेनजानाय बिसायख'थि आयगआ गावसाबाय। अदेबानि हेफाजाबखौ बोखांना लानायनि पार्टीआ लानाय थंखिया आसा खालामथावैमोन। मानोना पार्टीनि माखासे देदेनगिरि आरो मावफारियाफोरा बे थंखियाव बांसिन बोलो होदोमोन, जाय सा 3 कंग्रेस एमडिसिआ गाव-गावनि हेफाजाबखौ बोखांना लादो बिथामोनहा जादो, पिपेन सिथेल, रनी भि लिंदह आरो भिक्कर रानी। अदेबानि सा 3 एमडिसिआ हेफाजाबखौ बोखांना लादोब्लाबो एनपिपिआ देदेन्याय जुथाइ हान्जायाव सा 30 सोद्रोमायारि सदनआव सा 17 एमडिसि दंबाबो। केएचएडिसिनि गाहाइ मावफुं सोद्रोमा पिनिनाड सिंह सिथेयआ कंग्रेसनि फेफिनगोन आसाखौ गैयै बायदि फोरमायनानै एनपिपि देदेन्याय बिसायख'थि आयगआ आथिखालावबो बांसिन भट मोनानै दडहोना बुडे।

अहिंसानि दायनिगिरिफोर, जर'खायै फेग्रा बेसादिनि फालांगि खालामग्रा दायनिगिरिफोरनि दायफोरनि साजायाव समानथि नडै'खौ जानगार खालामनो थाखाय थंखि लादो। बिथाडा बुडेदि, बेनिखायनो आं दिने बै सा 39 सुबुंफोरनो निमाहा होदो, जायफोरा गावनि हादतगिरिफोरखौ गोखौ आरो रेखाथि खालामनो थाखाय सोमावसारदो। बिथाडा गासै सा 1500 सुबुंफोरनि साजाखौ निमाहा होबाय। सानसेनि गेजेराव एसेबां गोबां निमाहा होनाय आथिखाल साननि मोनसेल' जाथाय। मख'नो गोनांदि, थानाय 2012

## हादतआव गुसु बोथोर थाबैनो जागायबाय

गोदान दिल्ली, 14 डिसेम्बर : सा भारतआव सुहाबनाय बोथोर थाबैनो जागायबाय। सरासन्त्रायै गुसुआ डिसेम्बर दाननि गेजेरनिफ्राय जायोमोन। नाथाय बे खेबाव माखासे राइज्योफोराव डिसेम्बर जागायनाय लोगो लोगो गुसु बारा आगान होफेबाय। दिल्ली, हरियाणा आरो पान्जाब बायदि राइज्योफोराव मिनिमाम बिदुंखौ सरासन्त्रानिफ्राय गोबां गाहायाव दिखानो मोन्याय जादो। चन्दिगडआव बिदुंआ 4.7 डिग्रि सेल्सियससिम दावखलायो आरो दिल्लीआ सिजननि बयनिखुइ गुसुसिन फुंखौ 4.5 डिग्रिआव मोन्दाइ। आथिखालाव बोथोर बिफाना 15 डिसेम्बरसिमाव माखासे ओन्सोलफोराव गुसुखौ बांवावनायनि सन्देह' फोरमायदो। बिफाननि बायदिल्ला बे खेबाव गुसुआ थाबैनो जागायनायनि माखासे जाहोनाफोर दड। अदेबानि डिसेम्बर जागायनाय लोगो लोगो सोनाबारि नारसिन्थाया हिमालयनि सोनाब ओन्सोल आरो बेनि खाथि-खाला हायेन ओन्सोलफोरखौ गोहोम खोखैदो। बे नारसिन्थाया 8-9 डिसेम्बरनि गेजेराव एक्विट जादो, जायजो हिमालयआव गोबां बरफ गोम्लैयो आरो हायेन ओन्सोलफोरावबो



गुसु बारआ सौहैयो। बेनि अनग्रायै सा भारतआव थानाय 2 दाननिफ्राय अखा हानाय खमामनायनि जाहोनावबो गुसुआ बांदो। अदेबानि हिमालयआव समनि सिगां बरफ गोम्लैनायाबो हायेन ओन्सोलफोराव गुसुखौ बांहोदो। मानोना बरफ गोम्लैनायनि उनाव गुसु बारआ गाहाइ फारसे बारबोदो, जायजो हायेन ओन्सोलफोरावबो बिदुंआ दावखलायो होमदो।

हाइकर्टनि इन्डर पिठआ बैसो जायै हिन्जावसाखौ गोबां बै लांखारना जिनाहारि खालामनायजो सोमोन्दो गोनां मोनसे केसआव सासे सुबुंनि हेथायै थिसन्नाय ए फ आ इ आ र खौ नेवसिगारदोमोन। बे एफआइआरखौ लांखारनाय आरो गुबुन दायफोरजो सोमोन्दो थानाय गुबुन गुबुन नेम-खांन्थिफोरनि गेजेरजो हिन्जावसा निबिमा-बिफाया थिसन्दोमोन। बे याव बुंदोमोनदि, बिसेरनि 16 बोसोर बैसोनि हिन्जावसाया गोमानानै दड। बिसेर गावसोरनि फिसाजोखौ फुस्लायनानै लांखारदो होना दाय जाबसिनो। बे केसखौ नायबिजिरनानै आथिखालाव कर्टआ हिन्जावसाखौ बैसो जायै नडा होना बिसेरनि आर'जलाइखौ नेवसिगारनानै शुकु बारखालि सासे गथ'आ रावनिबो सम्पति नडा

## सुप्रिम कर्टआ मोनसे केसआव बैसो जानाय फिसाजोनि जुलिखौ गनायना लानो थिन्दो



गोदान दिल्ली, 14 डिसेम्बर हिन्जावसा निबिमा-बिफानि आर'जलाइखौ नेवसिगारनानै शुकु बारखालि सासे गथ'आ रावनिबो सम्पति नडा

होना बुडे। सुलुनि बायदिल्ला, बिमा-बिफाया गावनि फिसाजोनि पार्टनर (फिसाइ) नि हेथायै नायबिजिरनो दाबि दिखाना जुलिनि समाव हिन्जावसाआ बैसो जायाखैमोन होना बुडे। गाहाइ बिजिरगिरि सन्जिब खाना आरो सन्जय कुमारनि पिठआ बे केसनि सायाव बुडेदि, हिन्जावसाआ जुलि जानाय समाव बैसो जायै नडामोन। बे खौ जोबथेना लाखिनायनि जेबो मोन्थाइ गैया। नोसोर गावनि बैसो जानाय फिसाजोनि जुलिखौ गनायाखै। बवेखानि नोसोर गावनि फिसाजोखौ सम्पति महरै गनायना लायो। नाथाय बेयो सम्पति नडा। गावनि बैसो जानाय फिसाजोनि जुलिखौ गनायनानै ला होन्ना सिजेआइआ बुडे। थानाय 16 अगस्टआव मध्य प्रदेश

हाइकर्टनि इन्डर पिठआ बैसो जायै हिन्जावसाखौ गोबां बै लांखारना जिनाहारि खालामनायजो सोमोन्दो गोनां मोनसे केसआव सासे सुबुंनि हेथायै थिसन्नाय ए फ आ इ आ र खौ नेवसिगारदोमोन। बे एफआइआरखौ लांखारनाय आरो गुबुन दायफोरजो सोमोन्दो थानाय गुबुन गुबुन नेम-खांन्थिफोरनि गेजेरजो हिन्जावसा निबिमा-बिफाया थिसन्दोमोन। बे याव बुंदोमोनदि, बिसेरनि 16 बोसोर बैसोनि हिन्जावसाया गोमानानै दड। बिसेर गावसोरनि फिसाजोखौ फुस्लायनानै लांखारदो होना दाय जाबसिनो। बे केसखौ नायबिजिरनानै आथिखालाव कर्टआ हिन्जावसाखौ बैसो जायै नडा होना बिसेरनि आर'जलाइखौ नेवसिगारो।

## राइज्यो सरकारआ गवालपारायाव 40 नख 'फोरखौ होस्त्रांदो



गवालपारा, 14 डिसेम्बर: आसामनि गवालपारा जिल्लायाव शुक्रबारखालि हा आवग्रिनानै थानायनि हेथा अभियानआव मोन 40 नि बांसिन नख 'फोरखौ होखास्त्रांनय जादो। बे होस्त्रांनय हाबाफारिखौ पन्चरल ओन्सोलाव खालामदो, जाय गवालपारा जिल्लानि बालिजान रेभेनिउ सार्केलनि सिडव गोग्लैयो। बे हाबाफारिआव रेखाथि सांन्थि हान्जाफोरखौ थिसन्नाय जादो। होस्त्रांनय सरकारि मावफारियाफोरा होस्त्रांनय सुबुंफोरनि गोखौ अजद होनायजो मोगा-मोगि जानांदो। होखारजानाय सुबुंफोरनि खायसेआ दाबि दैखंदोदि, बिसेरनि मोनथाम जोलैआ बेयावो संसार जानानै थैलांवाय आरो बिसेरो खुंथायनि अपारेसनखौ होबथानो नाजादोमोन। बिसेरो बुंदो, बिसेरनि आवे-आबोमोनहानो बेयाव संसार जादोमोन, अब्ला बिसेरखौ माबोरै बेनिफ्राय होखारनो हाखो? गुबुन सासेआ बुंदो, खुंथाया गावसिनि थाखाय माखासे खाबुफोर जगायनानै होनांगोन, नडाब्ला बिसेरो बवेयाव थानो? माखासे आइजोफोरा न'-बां सिफायनायखौ होबथानो नाजादोमोन, नाथाय पुलिसनि बोलोआव बिसेरो फावसायना थानाडे। बे अपारेसनआव गुबुन गुबुन धोरोम आरो राव रायज्यायग्रा हादतगिरि गासै मोन 44 नख 'फोरखौ होखास्त्रांनय जायो। उफ्रानि बिबानगिरिफोरजो लोगोसे गागि बिबानगिरि जिल्ला कमिसनार नबन्ज्यति पाठक, बालिजान सार्केलनि बिबानगिरि फुजा दास आरो उफ्रा पुलिस कमिसनार अनिता हाज्रिकाआ अपारेसनखौ नायगिदिहैदो।

हाइकर्टनि इन्डर पिठआ बैसो जायै हिन्जावसाखौ गोबां बै लांखारना जिनाहारि खालामनायजो सोमोन्दो गोनां मोनसे केसआव सासे सुबुंनि हेथायै थिसन्नाय ए फ आ इ आ र खौ नेवसिगारदोमोन। बे एफआइआरखौ लांखारनाय आरो गुबुन दायफोरजो सोमोन्दो थानाय गुबुन गुबुन नेम-खांन्थिफोरनि गेजेरजो हिन्जावसा निबिमा-बिफाया थिसन्दोमोन। बे याव बुंदोमोनदि, बिसेरनि 16 बोसोर बैसोनि हिन्जावसाया गोमानानै दड। बिसेर गावसोरनि फिसाजोखौ फुस्लायनानै लांखारदो होना दाय जाबसिनो। बे केसखौ नायबिजिरनानै आथिखालाव कर्टआ हिन्जावसाखौ बैसो जायै नडा होना बिसेरनि आर'जलाइखौ नेवसिगारो।

## मणिपुरनि चुराचान्दपुरआव हाथियारफोरजो लोगोसे साब्रै सुबुंफोरखौ ग्रेप्टर खालामदो

इम्फल, 14 डिसेम्बर: मणिपुरनि चुराचान्दपुर जिल्लायाव सालायनाय मोनसे जर'खा अपारेसनाव ग्रेप्टर खालामनाय साब्रै सुबुंफोरनि गेजेराव कुकि नेशनेल फ्रन्ट (केएनएफ) नि सासे सन्देह खालामथावना केडारआबो दंफायो। पुलिसआ बुडेदि, म्यान्मारआव बानायनाय गंसे एसाट्ट राइफल, गंसे एयार गान, मोन 40 गोथां कारतुसखौ बोखांना हादो। बिसेरनिफ्राय गुलि-बारुद, मोन 22 गावखोनाय कारतुस आरो रेजिस्ट्रेसन गैयै नाम्बार्नि गंसे कार मोनो हादो। संगालि खौरं मोन्याय बायदिल्ला, माखासे हाथियार दैग्रा दुथांफोरा हाथियार आरो गुलि-बारुद दिन्थिनानै

गामिनि सुबुंफोरखौ सिगि-सग खालामदो। राइज्यो आरो मिरुआरि सांन्थि हान्जानि मोनसे जुथाइ हान्जाया बेयाव सौहैयो। चुराचान्दपुर जिल्लानि सिडव थानाय लाइजां गामि खोला फारसे म्यान्मारजो लोगोसे सिमना शेयार खालामो। हाबाफारिनि गेजेरजो सन्देह खालमथाव केएनएफनि मवसुमा आरो साथाम दुथांफोरखौ हाथियारफोरजो लोगोसे ग्रेप्टर खालामनाय जादो। उनाव बिथामोनखौ केएनएफ केडारनि थॉसियाम हाअकिप (27), कोमाबनि (34), माल्सम (20) आरो जाइपु डजेथां (42) मुडै सिनायथिनय जायो।

हाइकर्टनि इन्डर पिठआ बैसो जायै हिन्जावसाखौ गोबां बै लांखारना जिनाहारि खालामनायजो सोमोन्दो गोनां मोनसे केसआव सासे सुबुंनि हेथायै थिसन्नाय ए फ आ इ आ र खौ नेवसिगारदोमोन। बे एफआइआरखौ लांखारनाय आरो गुबुन दायफोरजो सोमोन्दो थानाय गुबुन गुबुन नेम-खांन्थिफोरनि गेजेरजो हिन्जावसा निबिमा-बिफाया थिसन्दोमोन। बे याव बुंदोमोनदि, बिसेरनि 16 बोसोर बैसोनि हिन्जावसाया गोमानानै दड। बिसेर गावसोरनि फिसाजोखौ फुस्लायनानै लांखारदो होना दाय जाबसिनो। बे केसखौ नायबिजिरनानै आथिखालाव कर्टआ हिन्जावसाखौ बैसो जायै नडा होना बिसेरनि आर'जलाइखौ नेवसिगारो।



# बाक्सानि निकारि गोजौ फरायसालिनि स 'नाथि माइथाय फालिदों

मुसलपुर, 14 डिसेम्बर: बाक्सा जिल्लानि भारत-भुटान सिमाना ओन्सोलनि सोलौथाइनि मिरु महरै सिनायथिजानाय निकारिनि गोजौ सोलौथाइ फसथान निकारि गोजौ फरायसालिया दिने 50 बोसोरव आगान होबाय। फरायसालिनि 50 बोसोर आबुं जानायनि लोब्बाजों साननैनि हाबाफारिजों स 'नाथि माइथाय फालिथाया दिनेनिफ्राय जागायजेनो। स 'नाथि माइथाय फालिथायनि गिबि साननि हाबाफारि बायदिये दिने फुबिलियाय फरायसालिनि लांगोनाया गां 50 फिर्फला बिरहोनाय जायो। बेनि उनाव मुंखंफोरनो मान बाउनाय, साइनासालि, जौसां बेखेवनायजों लोगोसे माखासे हाबाफारि खुंनाय जायो। सोलौथाइ नोगोर महरै गायसन्नो नाजानायजों थोनाय 1973 माइथायव भारत-भुटान सिमानानि निकारिथाय बे गोजौ फरायसालिया गायसनजादोंमोन। हाग्रानि मैदेर आरो सुबुंफोरनि मोगा-मोगि जाथायफोरखौं नेवसिनाने बे फरायसालियाय सोलौथाइ लानाने गोबां फरायसाफोर दासादि देहा फाहामगिरि, इन्जिनियर, आइपिएस बिबानगिरि महरै भारत-गुबुन हादतआव साखि मावगासिनो दं। स 'नाथि माइथायनि दिनेनि हाबाफारि बायदिये फुनि 7 रिगायाव रंसारि बिनेसिं ब्रह्म आरो लाबन्य प्रभा ब्रह्म गोसोखां गाहाइ दरखंखौं बेखेवनायने होयो समाज सिबियारि आरो दान होगिरि मुदुलसिं ब्रह्मआ, बेनि उनाव फुनि 7.30 रिगायाव स 'नाथि माइथायनि फिर्फला बिरहोनाय जायो। 8 रिगायाव गोसोखां खाम्फा बेखेवनायने होयो गागि समाज सिबियारि दयानन्द भान्दरिआ, 8.15 रिगायाव



आलारि बाथि फोजौना आरो बिबार बाउजेनो लक्ष्मीपुर गोजौ फरायसालिनि आजिरा मोन्नाय गाहाइ फोरेंगिरि तरुन शर्माआ। फुनि

8.20 रिगायाव गोसोखां खाम्फाजों नांजाबनाय बिबार बागानखों बेखेवनायने होयो समाज सिबियारि आरो दान होगिरि गपाल हालैआ,

9 रिगायाव रंसारि लक्ष्म ब्रह्म गोसोखां जौसांखौं बेखेवनायने होयो बारा' एमसिएलए मुनसिंह ब्रह्मआ। 9.30 रिगायाव फरायसालिनि गायसनगिबि आफादगिरि रंसारि खुनुथ भतराइ गोसोखां गेवलं जौसांखौं बेखेवनायने होयो ज्ञानपिट डिग्री फरायसालिमानि गोरयुं चन्द्र घिमिरेआ। 10.30 रिगायाव रंसारि परिक्षीत दास गोसोखां जामुंसालिखौं बेखेवनायने होयो आजिरा मोन्नाय गागि फोरेंगिरि अस्त्युत चन्द्र उपाध्याय पाठक, 11.45 रिगायाव रंसारि रेशरसिंह थर्का गोसोखां बारा' फरायसा सावराय न 'ब्लांखौं बेखेवनायने होयो गर्खा जौगाखां गौधुमनि लेडइ मासिगिरि राम दाहालआ। 12 रिगायाव स 'नाथि माइथायनि गोसोखां बिजाबखौं बेखेवनायने होयो फरायसालिफोरनि नायदिगिरि महम्मद जेहेरुल इस्लामआ, 12.30 रिगायाव रंसारि प्रभुराम चेत्रि गोसोकां केरियार काउन्सिलिं, 2 रिगायाव बरायनाय हाबाफारि 5 रिगायाव रंसारि इन्द्र प्रसाद गुरगाव गोसोखां स 'नाथि माइथायनि आलारि बाथि फोजौनाय, 5.30 रिगायाव रंसारि चन्द्र प्रसाद उपाध्याय गोसोखां हारिमुवारि बादायलायनाय हाबाफारि खुंनाय जायो। गुबुन फार्सेथिं, गाबोन एबा 15 डिसेम्बरआव खुंनो गोनां गेवलं मेलनि हाबाफारियाव आसामनि सोलौथाइ मन्थि डा: रज पेगु, बिटिसिनि गाहाइ मावफुं सोद्रोमा प्रमद बर', आसामनि केबिनेट मन्थि उखौं गोरा ब्रह्मजों लोगोसे गोबां दैदेनगिरिफोरा बाहागो लागोन होन्नायने बान्नाय आफादा मिथिहोदों।

## मानासआव नेसनेल बुक ट्रास्टनि

### बान्जायनायाव बर' थुनलाइनि मावबादा खुंदों बर' थुनलाइयाव गां 200 बिजाबफोरखौं रावस्लायनाय जागोन

भबानिपुर, 14 डिसेम्बर:

'बिजाब लिरगिरि आरो फरायगिरिफोरा बिजाब आरो थुनलाइखौं जोबोद मोजां मोनो। भारतबर्षआव थुनलाइनि बिथिडव सोरजिजानाय गोजौ थोखोनि थुनलाइफोरनिफ्राय एबा मोनसे रावआव सुजुजानाय थुनलाइफोरखौं गुबुन मोनसे रावसिम एबा गुबुन गुबुन रावआव रावस्लायनाया गोरोबलायनाय, सोदोमसिनि जौगाथायाव गोहोम खोख्लैयो। थुनलाइनि रावस्लायनाया गुबुन गुबुन हादत, गुबुन गुबुन राव-थुनलाइखौं गोरोबलायहोयो।' -बेबादि बिबुंथिथो नेसनेल बुक ट्रास्ट, इन्डियानि गाहाइ सुजुगिरि कुमार बिक्रमआ दिने सालबारि महकुमानि वाल्ड हेरिटेज साइट मानास माहारियारि पार्कनि साखाथियाव थानाय मोसा रिजटंआव खुंनाय सानबानाडे हाबाफारिजों खुंजानो गोनां बर' रावस्लाय थुनलाइनि मावबादाखौं बेखेवनायने होदों। बेखेवनाय बिबुंथिथोय कुमार बिक्रमआ रावस्लाय थुनलाइ सोजिनाया थुनलाइनि बिथिडव जौगाखां होदों होन्नायने बुडे। मख 'नो गोनांदि, दिनेनिफ्राय मोसा



रिजटंआव नेसनेल बुक ट्रास्ट, इन्डियानि बान्जायनायाव आरो बर' राइटास एकाडेमिनि हेफाजाबाव सानबानि हाबाफारिजों बर' थुनलाइनि रावस्लाय मावबादा खुंजादों। दिने बर' राइटास एकाडेमिनि आफादगिरि आरो गागि खोरंगिरि-थुनलाइगिरि राजेन्द्र बसुमतारिनि आफादगिरि मासि सामलायनायाव खुंजानाय बेखेवनाय मेलाव नेलेल बुक ट्रास्ट, इन्डियानि बर' आरो असमीया दालायनि जोथोन लाग्रा द्विप शकियाआ थांखिजानाय बुंथिगिरि महरै बुंदोंदि, बर' आरो असमीया राव-थुनलाइनि जौगानाया एबा बर' आरो असमीया रावआव सुजुजानाय थुनलाइफोरा आसामनि माहारियारि जिउआव

सिगांलांदों। बर' आरो असमीया थुनलाइनि जौगानाया भारतआरि राव-थुनलाइनि जौगाखांनय होन्नायने बिथाडा मख 'दों। द्विप शकियाआ बुंबावदोंदि, मोनसे हारिनि रावजों गोजौ थांखोनि थुनलाइ सोरजिजानाय बे हारिनि जौगाखांनय, सोदोमसिनि जौगाखांनयखौं फोरमायो। गुबुन गुबुन रावआव थुनलाइफोर एबा बिजाबफोर बर' रावसिम सावस्लाय जायोब्ला बर' थुनलाइयाव जौगाखांनयनि जोहोमथिया फेगोन। बर' बिजाब फरायगिरिफोरनि गेजेयव गियाननि गासै सिमनाया बांगोन। आथिखालाव बर' थुनलाइनि जोहोमथिया फेदों। हादत-गुबुन हादतनि गुबुन गुबुन रावआव सुजुजानाय गोजौ मान दान्दानि

बिजाबफोरखौं बर' रावसिम रावस्लायजों सुजुजानाय थुनलाइफोरा बर' हारियारि थुनलाइखौं जोबोद सिगांलांहोगोन आरो बेबादि सानखांथिजों बर' थुनलाइनि रावस्लाय मावबादाखौं खुंनाय जादों। बर' राइटास एकाडेमिनि सदानन्द दैमारीआ सामलायनाय बेखेवनाय मेलाव लाइमोन थुनलाइगिरि अनिला स्वर्गियायो बिबुंथि लाखिनायजों लोगोसे नेसनेल बुक ट्रास्ट, इन्डियानि लोगो बिथोनगिरि अनुज भारटी, सानखान्थियारि हेफाजाबगिरि सतिश कुमार, साहित्य एकाडेमि बान्था मोन्नाय थुनलाइगिरि गबिन्द नार्जरी, बर' राइटास एकाडेमिनि गाहाइ नेहाथारि आरो गागि थुनलाइगिरि आनान्दराम वारी, थुनलाइगिरि अरुन चन्द्र

मुसाहारिमोनहा आलासि महरै बाहागो लाफेदों। बेखेवनाय मेलाव नेसनेल बुक ट्रास्ट, इन्डियानि गेजेरजों बर' रावनि थुनलाइ बान्था मोन्नाय लाइमोन थुनलाइगिरि अनिला स्वर्गियायो आरो गुनेश्वर वारीमोनखौं जर 'खायै मान बाउनाय जादों। बेखेवनाय हाबाफारियाव बर' दे'खोखौं लानानै मोसानाय हाबाफारिबो दिन्थिनय जादों। मख 'नो गोनांदि, आसामनि गुबुन गुबुन जिल्लानिफ्राय बर' रावनि सा 50 गोदान-गोजाम थुनलाइगिरिफोरा बाहागो लाफेनाय बर' रावस्लाय थुनलाइनि मावबादायाव माखासे बर' आरो असमीया फरायसाफोरखौं बाहागो लाफेदों। मावबादायाव फुंखा सुबुं महरै बाहागो लाफेदों साथाम थुनलाइगिरिफोर फारिथै-गबिन्द नार्जरी, अरुन चन्द्र मुसाहारि आरो राजेन बसुमतारिमोनहा। नेसनेल बुक ट्रास्ट, इन्डियानि नेहाथारि द्विप शकियाआ फोरमायदोंदि, दिनेनिफ्राय 18 डिसेम्बरसिम खुंजानो गोनां सानबानि मावबादायाव बाहागो लाफेनाय बर' रावनि थुनलाइगिरिफोरा गासै गां 200 असमीया, बांला, हिन्दी आरो इराजी रावनि बिजाबखौं बर' रावसिम रावस्लायगोन एबा बर' रावजों गां 200 रावस्लाय बिजाब सोरजिगोन।

## उदालगुरियाव माहारियारि लक आदालतनि गेजेरजों मोन 1,660 केसफोरखौं फोजोबदों

उदालगुरि, 14 डिसेम्बर:

माहारियारि आइन सिबिथाय बिफानि बिथोनाव उदालगुरि जिल्ला आइन सिबिथाय बिफाननि बान्जायनायाव उदालगुरि जिल्लायव दिने बेसेननाडे माहारियारि लक आदालतखौं उदालगुरि जिल्ला जुडिसिएल मावखुलियाव खुंनाय जादों। फुनि 10 रिगानिफ्राय जागायजेन्याय बे माहारियारि लक आदालतनि गेजेरजों जुडिसिएल कर्टफोराव उदालगुरि जिल्लानि गोरोबलायनो गोनां गुबुन गुबुन केसफोर जैरे- मटर-गारिनि आइन सिमफायनाय केस, सिभिल केस, नख 'रारि केस, मटर जाब्रबथाय दाबि बिजिरनाय के स (एमएसिटी), चेक बाउन्स केस, खोजोनानि सोमोन्दे केस बायदिफोरखौं गोखें फोजोबनायनि राहा लानाय जायो। बेनि अनगायैबो बेंकनि लेनदेन (दाहार) नि सोमोन्दे केस, टेलिफन बिल, मोब्लिब मासुलनि सोमोन्दे जेना- जेंसिफोरखौं फोजोबनाय जादों। बे गुबुन गुबुन केसफोरखौं हियारि आजावनाने फोजोबना होयो उदालगुरि जिल्ला सेशन्स जाज नगोन सेनाबाया देवरि, गाहाइ जुडिसिएल मेजेस्ट्रेट सत्यजित कर्मकार, लोगो सेशन्स जाज



मनालिसा दास, जिल्ला आइन सिबिथाय बिफाननि नेहाथारि सविता भरद्वाज, लेडइ गाहाइ जुडिसिएल मेजेस्ट्रेट तरुन दे, सिभिल जाज जुनियर डिभिजननि स्मृति रेका भुजा, एसडिजेएम ज्यति रुपा हालै आरो उदालगुरि कमिसनार मावखुलिनफ्राय बिसायख 'थि बिबानगिरि प्रान्जल प्रान शकियामोनहा। जिल्ला आरो सेशन्स जाज नगोन सेनाबाया देवरिआ बे हाबाफारिनि सोमोन्दे फोरमायना होदोंदि, इयुनाव बेबायदि रोखोमनि हियारि एबा लक आदालतनि खाबु आजावनाने उदालगुरि जिल्लानि फोसावथाय मोन्नाय सुबुंफोरा उदालगुरि जिल्ला आइन सिबिथाय बिफाननि मावखुलियाव सुलाद लानाने के सखौं फोजोबना लानायनि खाबु लानो हागोन होन्ना बुडो। बिथाडा लोगोसे डिंसि

अफिस, एपिडिसिएल, बिएसएनएल, एसबिआइ बेंक, इउक बेंक, एफएक्स बेंक, एनइएसएफ बेंक, आसाम ग्रामिन भिकास बेंक, सिबिआइ, डिटिआ आरो आसाम पुलिस बिफानखौं गावसोरनि गुबुन गुबुन के सफोरखौं लानाने फोजोबनायाव हेफाजाब होफेनायनि थाखाय साबायख 'र बाउदों। फारसेथिं, सविता भरद्वाजआ फोरमायदोंदि, दिनेनि बे लक आदालतनि गेजेरजों मोन 1,660 के सफोरखौं फोजोबनाय जादों लोगोसेनो बे फोजोबनायनि बेसेना 3,09,74,108 रां। दिनेनि बे लक आदालतखौं आबुं खालामनाय आरो फोसावनायाव उदालगुरि जिल्ला आइन सिबिथाय बिफाननि पेनेल उकिल, मावसुमा, पिएलभिफोरा हेफाजाब होदों।

### NOTICE INVITING QUOTATION

The Managing Committee of KGBV Hostel (Type-IV) at Bengtal HS School, under Sidli Block, Chirang invites Sealed Quotation for supply of Cookware items along with essential items like bed-sheets, blankets, quilts, curtains, mosquito nets etc. of worth Rs. 1,70,000/- Rs. ( One lakh Seventy thousand) only affixing non refundable Court fee Stamp of Rs. 8,507- Rs. (Eight & paise Fifty) only from eligible bidders/Registered Suppliers for KGBV Girl's Hostel at Bengtal HS School in Chirang, Assam -783394.

The date of issue and submission of Quotation paper is fixed from 14<sup>th</sup> to 20<sup>th</sup> Dec/2024. The date of opening is fixed on 21/12/2024 at 12:00 Noon.

Sd/-  
Chairman/Member Secy.  
Managing Committee,  
KGBV Hostel Type - IV, Bengtol

Applications are invited in Plain Paper with full bio-data and Educational Testimonials only from eligible female candidates for the following Posts/Positions in Kasturba Gandhi Balika Vidyalaya Hostel (Type -IV) at Bengtal HS School under Sidli Block, Chirang on Contractual basis:

Name of Post	Status	Remuneration
1. Science Teacher	Part-Time	Negotiable
2. Mathamatics Teacher	Part-Time	Negotiable
3. English Teacher	Part-Time	Negotiable

Eligibility: Must possess Graduate degree in respective subjects as above.

Name of Post	Position	Remuneration
1. Head Cook	1 (One) post	Rs. 12,000/- PM
2. Asstt Cook	1 (One) post	Rs. 10,000/- PM
3. Chowkider	1 (One) post	Rs. 12,000/- PM

Eligibility : a) Must be Class III passed, b) Must have sound health with mission mood, c) Age below 45 years as on 01/01/2024, d) Preference will be given to person with relevant experience.

N.B. Date of Interview for all Posts/Positions on 22/12/2024.

Sd/-  
Chairman/Member Secy.  
KGBV Hostel, Type - IV, Bengtol

## आबादारिफोरा फिन शंभु बर्डारनिफ्राय हेंथा धर्ना जागायदों

गोदान दिल्ली, 14 डिसेम्बर:

पान्जाब आरो हारियाणानि सिमनायाव शंभु बर्डारआव हेंथा धर्ना खालामनाय जायगानिफ्राय सा 101 आबादारिफोरनि हान्जा सान्जौफुनि 12.00 रिगायाव दिल्ली पार्से थावनायने हान्जा सुरनायखौं जागायो। बेयाव 1 रोजानिबो बांसिन आबादारिफोरा बाहागो लादों। नाथाय पुलिसआ बिसोरखौं होबथानाने लाखिदों। शंभु बर्डारनिफ्राय दिल्ली पार्से आबादारिफोरनि हेंथा धर्नाआ जागायनायनि माखासे घन्टा सिगांनो हारियाना सरकारआ रइज्योयारि गोजोन लाखिनायनि थाखाय आम्बाला जिल्लानि दर 11 गागिफोराव मबाइल इन्टरनेट आरो खेबसेयैनो गोबां एसएमएस दैथायहरनायनि सिबिथायफोरखौं होबथानाय जादों। उफ्रा गाहाइ नेहाथारि (नख 'र) सुमिता मिश्राआ



फोसावनाय बिथोननि बादिब्ला, बे होबथानाया 17 डिसेम्बरसिम गोहोम गोनां जागोन। हारियानानि मन्थि अनिल विजआ बुंदोंदि, आबादारिफोरनो बे केसआव सुप्रिम कर्टआव सोलिबाय थानाय हियारिनि बाश्रा बुंथिना अरयथा नडे महश्व

गावसिनि हेंथा धर्नाखौं होबथानांगो। अनिलआ बुंबावोदि, सुप्रिम कर्टआ हियारि होनायनि थाखाय माखासे समनि दाबि खालामदों आरो आबादारिफोरा धर्नाखौं दोन्थ 'नायनि सायाव थांखि लानांगोन होन्नायनेबो सुवुरुन होयो आबादारिफोरा

फसलफोरनि थाखाय मिनिमाम बेसेननि आइनारि गेरिन्टिनि थाखाय मिरु सरकारनि सायाव नारसिनायनि थाखाय हान्जा सुदों। बिसोरो मिरु सरकारनि सायावबो गावसिनि आयदाफोरखौं सुखेना होनो थाखाय सावरायनो नारसिनायनो दडो।



# गाहाम देहानि राहा

## ब्रेक फास्टयाव माखासे मुवाफोरखौ आजवना लानायजों बडि आरो खर' मेलेमा एक्टिभ जागोन

गोदान दिल्ली, 2 फेब्रुवारी: गुसु बोथोरव बडि आरो खर' मेलेमाखौ एक्टिभयै लाखिनो थाखाय गोबां रोखोमनि टिप्सफोरखौ जों आजवना लायो। मानोना बे बोथोरव जों आलसिया मोन्दाडो। अदेबनि गनायना लानाय बायदिल्ला, बे बोथोरव जों इमिडनितिया लोखों जानायनि गिनांगो थायो। बेनि अनगायै गुसुजों जाग्रा बेमारफोरबो जिंगायाव खोख्येयो। बेबायदियाव बेफोर बेमारफोरनिफ्राय जानगाराव थानायनि थाखाय फुनि ब्रेक फास्टयाव ओरैबायदि फुडसफोरखौ लाफानांगोन, जायजों बडि आरो खर' मेलेमा एक्टिभयै थानो हायो। जर'खाफोरनि बायदिल्ला, एन्टीअक्सिडेन्टजों बुंफबनाय जाग्रा आदार बायदि डार्क चकलेट, बेरि आरो गुबुन गुबुन रोखोमनि फिथाइ-सामथाइफोर मेंनायखौ जानगार खालामनायाव बानजायजाथाव। बेनि अनगायैबो बे जाग्रा आदारा देहाखौ एक्टिभयै लाखियो।



बुंफबनाय फुडआ ब्रेननि खामानि मावनायखौ साबसिन खालामो। बेखौ मोनो थाखाय डइट्याव नाटस, स्कुयास आरो लैथोयाव मोनग्रा जाग्रा आदारखौ आजवना लानो हागोन। बेजों खर' मेलेमा एक्टिभयै थागोन आरो गुसु बोथोरव आलसिया मोन्दायाबो जानागार जागोन।

केप्सिकाम, फुलकपि, बिन्स, ब्रुकलि, मैंगं आरो पालें बायदि मैंगंफोरव फाइबर, प्रॉटिन बायदि देहोरा लोवहोरा गुनफोरजों बुंफबना थायो, जाय खर' मेंलेमनि हाबाफारिखौ गाहामै सोलिहोनायाव मदत खालामो।

1. अमेगा-3 फेटि एसिडजों

2. दावदैखौ आथिखालाव बयबो जायो। गनायना लानाय बायदिल्ला, दावदैया ओरैबायदि जाग्रा आदार, जाय देहानो साबसिन मुलाफ्फा होयो। दावदै जानायजों गोसोखांनो हानाय गोहोया गोखोडै थायो।

4. बिटखोबो ब्रेकफास्टयाव आजवना लाफानो हागोन। स्वादयाव गोदै बिटआ नाइट्रिक अकसाइडजों बुंफबना थायो, जय ब्लाड सार्कुलेशनखौ गाहाम खालामानां खर' मेलेमनि खामानि मावना हानाय गोहोखौ बांहोयो। (नट: बेयाव होन्नाया राहाखौ आजवना लानायनि सिगां डाक्टरनि बोसोन लोयो) □

# आल्लु अर्जुनखौ हाइकर्टआ जामिन होबाय

साउथनि सुपारस्टार आल्लु अर्जुनआ खौराडाव थाबाय थारों। आल्लु अर्जुननि 'पुष्पा 2' सावथुननि प्रिमियारनि गेजेरजों 35 बोसोर बैसोनि सासे आइजोनि जिउ गोमानाय बिथिडाव हाइद्राबाद पुलिसआ बिथांखौ ग्रेप्टार खालामदोंमोन। हाइद्राबाद पुलिसआ आल्लु अर्जुनखौ चिक्कडुपल्लि पुलिस स्टेसनाव लांदोंमोन, जेराव फावखुंगुरनाव सौलु खालामनाय जादोंमोन। उनाव बिथांखौ जायगानि बिजिरसालिया 14 अक्टखालि बिजिरनायनि बे'खनाव दैथायहरदोंमोन। अदेबानि बिथाडा हाइद्राबादनिफ्राय जामिन मोनबाय। जामिन मोननायनि उनावबो गासै नायबिजिरनाया



आबुं जायैनि जाहोनाव आल्लु अर्जुनआ दिने मोनासिम जेलावना थानो गोनां जायो आरो शनिबारखालि फुनि समाव गबोयो। आल्लु अर्जुन आरो रश्मिका मन्दनानि सावथुन 'पुष्पा

2' आ थानाया 5 डिसेम्बरखालि सिनेमाहलफोराव रिलिज जादोंमोन। सावथुननि रिलिजनि सिगांनो बेनि प्रिमियारखौ हाइद्राबादनि सन्धया थियेटरआव दोन्नाय जादोंमोन।

गोमायो। आइजोनि बैसोआ 35 बोसोरनिमोन। आइजोनि जिउ गोमानायनि उनाव पुलिसआ जाथायनि उनाव आल्लुजों लोगोसे थियेटर मेनेजमेन्टनि बेरेखायै केस थिसन्दोंमोन। बे जाथायाव पुलिसआ एक्शन लानानै शुक्रबारखालि आल्लु अर्जुन आरो बिथांनि बडिगाई सन्तषखौबो ग्रेप्टार खालामदोंमोन। हाइद्राबाद पुलिसआ आल्लु अर्जुनखौ चिक्कडुपल्लि पुलिस स्टेसनआव लांनानै बिथांखौ बेनि बिथिडाव सौलु खालामदोंमोन। □

बेयाव सुबुंफोरनि थुबुर जानाया बांनानयनि उनाव नारा-नाथा जानायाव सासे आइजोनि जिउ

## शालिनी पासीआ इन्डियान वीमेन आर्टिस्टनि सायाव सावथुन बानायनो लुबैनायखौ फोरमायदों



'बिग बस 18' नि कन्टेस्टेट आरो इन्टरनेट सेन्सेसन शालिनी पासीआ वीमेन आर्टिस्टनि सायाव सावथुन बानायनायनि सिमां दड। बावैसो सिगां बिथाडा बुंदोंदि, इन्डियान वीमेन आर्टिस्टनि सायाव जैरे पेन्टर अमृता शेरगिल आरो मुर्ति दाग्रा मृणालिनी मुखार्जिनि सायाव सावथुन बानायनो लुबैनायखौ फोरमायदों। शालिनीआ बुडेंदि, आंनि गासै टिमआव आइजोफोरल' दड। आं जेब्लाबो आइजोफोरजों लोगोसे मोनसे कानेक्शन मोनदांथियो। जेब्लाबो आइजोफोरनि कम्पनीखौ मोजां मोनो। मोनसे कम्फर्ट लेभेल आरो सिस्टरहुडनि फिलिंगस थायो। आइजोफोरनि फारसे आंनि गंगलायनाया जेब्लाबो फोथायजाथाव। गुबुननि खुसियावनो आंबो खुसि मोनो। आं सानोदि, आइजोफोरा जेब्लाबो थार खाबुखौ मोन्नांगो। सावरायलायनायनि गेजेरजों शालिनीआ वीमेन एबा आइजो आर्टिस्टनि सायाव गावनि मोनसे सावथुन बानायनो गोसो जानायखौ फोरमायदों। बिथाडा बुडो, आं मोनसे सावथुन एबा सिरिज बानायनो लुबैयो नाथाय सिगां आंहा माखासेखिनिखौ बुजिनानै लानांगोन। शालिनीआ ट्रेभल स्व' खालामनो नागिरदोंमोन, मानोना बारणसियाव माखासे मुजिथावना इन्सिडेन्सफोर जायो आरो हाइद्राबाद बायदि जायगाफोरवबो। जोंनि हादतआव गोबां समाइना जायगाफोर दड, जायखौ आं मुलुगनि सुबुंफोरनो दिन्थिनो लुबैयो। बेयो आंनि जोबोद गिदिर सिमां □

## इयान आर्मिटेजआ उन्दै बैसोनि धोनिसिन फावखुंगुर जानो हादों



मु लु ग नि बयनिखुइबो धोनिसिन उन्दै फावगिरिनि मुंआनो जादों इयान आर्मिटेज। बिथांआ सासे अमेरिकाननि फावखुंगुर जाय दा 16 बोसोर बैसोनि जाबाय। बिथांखौ यं शोल्डन, बिग लिटिल लाइज निफ्राय लानानै स्कुब बायदि प्रजेक्टनि थाखाय मिबथिनाय जायो। आथिखालाव 2024 माइथारनि वर्ल्ड रिचेस्ट चाइल्ड एक्टरनि रिक्डैखौबो बिथांआ गावनि मुं खालाममांबाय। सेलिब्रिटी नेट वार्थ डट.कमनि बायदिल्ला, इयान आर्मिटेजनि नेटवार्थआ 6 मिलियन डलार एबा 50 कौटि

रॉनिखुइबो बांसिन। बिथांआ मर्डान फेमिलि फेन आब्रे एन्डारसन आरो कानाडानि फावखुंगुर जेकब ट्रेम्बलेखौबो बे लिस्टआव उन फारसे खालामदों। बिथांनि गासै सम्पति खमैबो 2 मिलियन डलारनि साखाथियाव दं। इयान आर्मिटेजनि जोनोमा 2008 माइथायाव जजियाआव जादोंमोन। बिथांआ इडटुब भिडिअ सिरिज इयान लाभ्स थियेटरनिफ्राय मुंदांखा जादोंमोन। बेनि उनाव 6 बोसोर बैसोआव बिथांआ गावनि स्वआव मिउजिकेल थियेटर स्व'नि रिब्यु खालामोमोन।

जर'खा बाथाया बेनोदि, बिथांआ आथिखालावबो बेखौ हस्ट खालामगासिनो दड। बेनि उनि बोसोरवबो बिथांआ दा पेरेज हिल्टन स्व'आव खामानि मोन्दोंमोन। उनाव 2014 माइथायाव बिथांआ इम्प्रेक्टिकल जकार्सआव खामानि मोनो। बबेखानि, बिथांआ लिटिन बिग शटसफोरवबो नुजाथिदों आरो बिथांआ बेजों गोबां फेमास जादों। बेनि उनाव बिथांनि बिग लिटिल लाइज आरो यं शोल्डनआव गोसारदोंमोन। बिथांआ दा बिग बे थ्यरिआव यं शोल्डननि फावआव नुजाथिदों। बिथांआ 9 बोसोर बैसोयाव प्राइम टाइम्स टिभि स्वखौ लिड खालामग्रा बयनिखुइबो खमसिन बैसोनि सुबुंफोरनि मादाव सासे जायो। इयान आर्मिटेजआ दानिफ्रायनो सि, आमैनियाइ, आरबि इउक्रेनी, स्पेनिश, इटैलियान, सिंहलिनफ्राय लानानै आरबि बायदि माखासे मुलुगनि रावफोरखौबो बुंनो एबा यक्लायनो सोलंदों। □

## सुपार स्टार धर्मेन्द्रआ नुफेरै सावगारि शेयार खालामदों



सावथुन मुलुगनि गिबि माच मेन धर्मेन्द्रनि नख'रा जोबोद गिदिर। बिथांहा सानै फिसान्त्लाफोर दड, जायनि मुंआनो जादों सानि देअल आरो बबी देअल आरो सानै फिसाजोफोर दड, जायनि मुंआनो जादों इशा देअल आरो आहना देअल। नाथाय गावनि इन्सटग्राम एकाउन्टआव मोनसे सावगारि पस्ट खालामनानै धर्मेन्द्रआ मिबथि होयोदि, गावनि नख'रनि सिगांनिफ्रायनो जाय गावनि अनसुलि बियो सोर फावखुंगुरि। बे फावखुंगुरिया सासे ओरैबायदि हायनारि, जायखौ पर्डाआव दासिमबो नुयोब्ला अन्साइगिरिफोर बोदोर

जायो। स्निजि बोसोर बारनायनि उनावबो फावखुंगुरिनि समयन महरजों रावबो हाया आरो मोसानायनि बिथिआवबो रावबो बिथांखौ फेजेन्ने हाया। धर्मेन्द्रआ सशेल मिडियाआव जाय सावगारिखौ पस्ट होदों बेवहाय बिथांखौ मिनिस्तु मिनिनाय नुनो मोन्दों आरो बिथांजों लोगोआव सासे फावखुंगुरिखौ जिरायफानाय नुनो मोन्दों। सावगारिखौ जोबोद समायना नुदों। धर्मेन्द्र आ केप्सनआव लिरदोंदि, बिथांआ जेब्लाबो बिथांनि नख'रनि अनसुलि। बे फावखुंगुरियानो जादों रेखा। जायखौ अन्नानै धर्मेन्द्रनि मोखांआव आखायजों

दंनयखौ नुदों। बे सावगारियाव अन्साइगिरिफोरावो जोबोद अन्नाय हरदों। अन्साइगिरिफोरा हार्टनि इम'जि पस्ट खालामनानै गावसिन फिलिंगसखौ शेयार खालामगासिनो दड। बेनि सिगां धर्मेन्द्रआ जया भादुडौजों लोगोसेबो लानाय सावगारिफोरखौ शेयार खालामनानै लिरदोंमोनदि, गुडडीआ जेब्लायबो बिथांनि लाभिं डलयैनो थागोन। जया भादुडौखौ धर्मेन्द्रआ वर्ल्ड क्लास फावखुंगुरि होन्नाबो मिबथि होदों। धर्मेन्द्र आरो रेखानि सोमोन्दै बाथा सावरायोब्ला सानैजों जयै बिथांमोनहा माखासे सावथुनफोराव खामानि मावदोंमोन। सानैजों जयै काहानि किस्मत की, कीमत, कर्तव्य गजब, बाजी आरो कसम सुहाग रात की सावथुनफोराव नुनो मोन्दों। सानैनि ज'राखौ सुबुंफोर जोबोद अन्साइदोंमोन। सानैबो अफ रिस्केनआवबो गावजों गाव जोबोद रिस्केट होलायो। □

## जुंकुकआ मोनै बिलबर्ड संगित बान्था देरहानो हादों

बिटिएसनि स्टार जुंकुकआ 2024 बिलबर्ड मिउजिक एवार्डसआव गिदिर स्कर खालामदों आरो मिलिटरि सार्भिसनिफ्राय जानगाराव थानायनि जाउनावबो मुंदांखा बान्था देरहादों। के-पप सेनसेसनआ गावनि गिबि सल' एल्बाम 'गल्डेन' नि थाखाय टप के-पप एल्बाम आरो 'स्टेडिं नेकस्ट टु इड' नि थाखाय टप ग्लबेलनि के-पप मेथाइनि



थाखाय बिमुं देरहानो हादों। फिन खुनसेबाव रिक्ड' सिमफायनानै जुंकुकआ टप

ग्लबेलआव लान्थ्रैयै नैथि खेब देरहानो हादों। बिथांनि 'गल्डेन' एल्बामआ बिलबर्ड 200

चार्टआव 24 सप्ताहसिम मख'जाथाव जाफुंसारनानै दोहौ सोमजिहदों। दै'खोगिरिया

मुलुगनाडैनो गोसारनो हमदों। 'स्टेडिं नेकस्ट टु इड' आ बिलबर्ड हट 100 आव 5 थि नाम्बारआव सौहैदों, जायजों जुंकुकआ मोन्थाम टप 10 हिटजों लोगोसे करियायनि गिबि सल' आर्टिस्ट जानो हादों। बिथांनि रिक्ड' लेबेल, बिथिद मिउजिक आ आर्मिफोरखौ हेफाजाब होनायनि थाखाय बिथांमोनखौ साबायखर होनानै देरहासार जानायनि रंजादों। स्ट्रे किडसआ टप ग्लबेल के-पप आर्टिस्टनि बिमुं देरहानो हायो, अदेबानि सेभैन्टिनआ टप के-पप तुरि आर्टिस्टनि बिमुं देरहायो। □

## स्टार फावखुंगुर आल्लुखौ हमनायनि सायाव मन्थि अश्विनी भैष्णबनि बिबुंथिआ सोराडाव फैदों


गोदान दिल्ली, 14 डिसेम्बर: तेलेंगाना हाइ कर्टनिफ्राय जामिन मोननायनि उनाव पुष्पा सावथुननि फावखुंगुर आल्लु अर्जुनआ दिने 14 डिसेम्बरखालि जामिन मोनानै जेलनिफ्राय गबोयो। हाइद्राबादनि सन्ध्या थिएटरनि केसआव शुक्रबारकालि आल्लुखौ हमदोंमोन आरो उनाव बिथांनि जामिन मोननायनि सायाव मिरु मन्थि अश्विनी भैष्णबआ कंग्रेस दोलोनि सायाव क्रिएटिभ इन्डास्ट्रीखौ मान होयैनि दाय जाबसिनो। बेजों लोगोसे बिथाडा बुडेंदि, कंग्रेसआ फिन फोरमान होदोंदि कंग्रेसआ क्रिएटिभ इन्डास्ट्रीनि फारसै जेबो सन्मान होनाय गैया। जाय आल्लु अर्जुनखौ हमनायजों फिन फोरमान जादों। मन्थिआ ससेल मिडिया प्लेटफर्म एक्सआव बेफोरखौ बुंदों। सन्ध्या थिएटरआव जानाय जात्रथायआ राइज्यो आरो जायगानि खुंथायनि मोजां नडै राहानिनो रोखा केसमोन। आथिखालाव बै दायखौ खोमोरनो थाखाय बिसोरो बे रोखोमनि फोसावदिं स्टान्टआव लोब्बा लादों। तेलेंगाना सरकारआ सावथुननि फावगिरिफोरनि सायाव गाग्लोबालासेनो भुगिनांनय सुबुंफोरखौ मदत खालामनांगों आरो बै सानाव राहा खालामग्राफोरखौ



साजा होनांगो। कंग्रेसआ खुंथायाव फैनायनि 1 बोसोरनि गेजेराव बेयो मोनसे सरासन्धा बाथा जानानै फैनाया मोनसे जोबोद दुबुंथाव होन्ना बुडो। हाइद्राबादनि सन्ध्या थिएटरनि हाबाफारिआव सासे आइजो जिउ गोमानायनि केसआव तेलेंगाना हाइ कर्टआ आल्लु अर्जुनखौ शुक्रबारखालि जामिनआव हगारो। बेनि सिगां शुक्रबार फुडाव फावखुंगुरखौ हमदोंमोन आरो गंसे लकल कर्टआ 14 साननि थाखाय जिम्मायाव दैथाय हरदोंमोन। □

## 'पाताल लक' सिरिजनि नैथि सिजन फैगोनखौ फोसावबाय

प्राइम भिडिअनि मुंदांखा सिरिज 'पाताल लक' खौ सुबुंफोर जोबोद मोजां मोन्दोंमोन। बे सिरिजआव जयदिप अहलावतआ गाहाइ बिफाव लादोंमोन। अदेबानि बे सिरिजनि नैथि सिजन फैगोनखौ मेकासफोर फोसावबाय। सिरिजनि नैथि सिजननि पस्टखौ रिलिज खालामनाय जाबाय। गोदान पस्टरआव जयदिप अहलावतखौ गंसे दाबा सुरिथिं नायहल्लाय नुनो मोन्दों, जाय बिथांनि मेगननि सेरावनो दडमोन आरो ब्लेडआ थैजों सिगलाबनायमोन। पस्टरनि सायाव हिन्दी रावजों 'पाताल लक' लिरनाय दडमोन। अक्टखौ मिबथि होनाय जायाखै, नाथाय पस्टराव खालि गोदान सिजनआ थाबैनो फेगासिनो दड होन्ना लिरनाय दड। पस्टराव कमेन्ट होनायनि गेजेरजों सासे सुबुडु लिरोदि, प्राइम भिडिअआव नोंथांमोनहा मोनप्रेम मुंदांखा भारतीय स्व'नि आरोबाव मोनसे सिजनखौ बानायनायाव गोबां सम लागसिनो दड। माखासे सुबुंफोर दासिमाव सल' खौनो बावबाय जानांगो। सासे इउजारआ टुट्ट खालामोदि, मिर्जापुरनि बायदि जोंखो गोसो दाबायहो।



अभिनाश अरुण आरो प्रसिंत रयनि गेजेरजों दिहुनजानाय ब्रह्म थिलारनि गिबि सिजनआ 2020 नि मे दानाव रिलिज जादोंमोन। सिरिज बानायगिरि अनुष्का शर्माआ क्लिन स्लेट फिल्मफोरनि बेनाराव खालामगोन। बे स्व'आव जयदिप अहलावत, गुल पनाग, निरज कावि, स्वास्तिका मुखार्जि, इश्क सिंह, अभिषेक बेनाजि, निहारिका लायरा दत आरो ऋचा चतुर्वेदिआबो दड। □





**BTR  
GOV**  
बि टि आर सरकार

## Celebrating 4 Years of BTR Government

बि.टि.आर. खुंथाइनि  
आबुं 4 बोसोर

बि टि आर चबकाबर  
गोबरौञ्जल चतुर्थ बरषपूति

**REGAINING SUSTAINABLE PEACE,  
HARMONY AND INTEGRITY**

गोजोर गोजोनथि, गोरोबलायनाय आरो  
खौसेथि गायसनफिन्नायखौ फालिनाय

दहतक्षम शांति, मन्थ्रीति आर  
एकताब पूतःप्राप्ति



15<sup>th</sup> December 2024



Bhergaon, Udalguri



*We are together...  
for your future...to make it better!*



**Bodoland Territorial Region**

